

四庫全書

集部

欽定四庫全書

集部

五百家注昌黎文集卷十七

詳校官通政使<sub>臣</sub>夢吉

檢討<sub>臣</sub>何思鈞覆勘

總校官檢討<sub>臣</sub>何思鈞

校對官主事<sub>臣</sub>陳庸

謄錄監生<sub>臣</sub>王錫壽

欽定四庫全書

五百家注昌黎文集卷十七

宋 魏仲舉 編

書

上張建封僕射書

集注建封字本立兖州人貞元四年為徐州刺史徐泗濠節度使十二年加檢校右僕射公以十五年二月脫汴州之亂依建封于徐秋建封辟為節度推官至是供職書意以晨入夜歸為不可其不詔於富貴之人可知也

九月一日

嚴曰退之以貞元十五年二月從董晉之喪自汴之洛聞汴之亂遂來彭城依張建封至

秋欲辭去建封奏為節度推官因留幕中受命之明日見院中事目有晨入夜歸一件以為不便乃於九月一

日上書言之

愈再拜受牒之明日

節度推官牒

在使院中有小吏

持院中故事節目十餘事來示愈其中不可者有自九月至明年二月之終皆晨入夜歸非有疾病事故輒不

許出當時以初受命不敢言古人有言曰人各有能有

不能

孫曰定五年左氏王孫由于之言

若此者非愈之所能也抑而行

之必發狂疾上無以承事于公望其將所以報德者一

望

作忘

下無以自立喪失其所以為心夫如是則安得而不

言凡執事之擇於愈者非為其能晨入夜歸也必將有

以取之苟有以取之雖不晨入而夜歸其所取者猶在

也

趙本云亦猶在也

下之事上不一其事上之使下不一其事

量力而任之度才而處之其所不能不強使為是故為

下者不獲罪於上為上者不得怨於下矣孟子有云

按孟

子云今天下地醜德齊莫能相尚即所謂無大相過也

今之諸侯無大相過者以

其皆好臣其所教

一作命

而不好臣其所以受教

一作受命一無

以字今之時與孟子之時又加遠矣皆好其聞命而奔走

者不好其直已而行道者聞命而奔走者好利者也直

已而行道者好義者也未有好利而愛其君者未有好

義而忘其君者

一無其字

今之王公大人惟執事可以聞此

言惟愈於執事也可以言此事

趙云可以言此言一本可以此言進

愈之

蒙幸於執事

一無之字

其所從舊矣若寬假之使不失其性

加待之使足以為名寅而入盡晨而退申而入終酉而

退率以為常亦不廢事天下之人聞執事之於愈如是

也必皆曰執事之好士也如此

好一作待

執事之待士以禮

也如此執事之使人不枉其性而能有容也如此執事之欲成人之名也如此執事之厚於故舊也如此又將

曰韓愈之識其所依歸也如此韓愈之不諂屈於富貴

之人也如此韓愈之賢能使其主待之以禮也如此

一無

賢字

苟如此則死於執事之門無悔也若使隨行而入逐

隊而趨言不敢盡其誠道有所屈於已天下之人聞執事之於愈如此皆曰執事之用韓愈哀其窮收之而已

耳韓愈之事執事不以道利之而已耳苟如是雖日受

千金之賜一歲九遷其官

孫曰任昉代范雲謝表云千秋之一日九遷苟與之十旬

遠至方之微臣未為速達

感恩則有之矣將以稱於天下曰知已則

未也

一本重有知已二字

伏惟哀其所不足矜其愚不錄其罪察

其辭而垂仁採納焉愈恐懼再拜

### 荅胡直均書

樊曰直均求謁於公望其稱薦為科第計其後直均竟登貞元十九年第此公書所謂時或道之力也李肇國史補云文公引致後輩為求科第多有投書請益者人謂韓門弟



子云

愈頓首胡生秀才足下雨不止薪芻價益高生遠客懷

道守義非其人不交得無病乎斯須不展

斯須一作傾渴

思想

無已愈不善自謀口多而食寡然猶月有所入以愈之

不足知生之窮也至於是而不悔非信道篤者

一作篤行者

其誰能之所示千百言略不及此而以不屢相見為憂

謝相知為急謀道不謀食樂以忘憂者生之謂矣顧無以

當之

當一作答

如何夫別是非分賢與不肖公卿貴位者之

任也愈不敢有意於是如生之徒於我厚者知其賢時

或道之於生未有所益也

趙本所字作乃

不知者乃用是為謗

不敢自愛懼生之無益而有傷也如之何若曰彼有所

合吾不利其求

一有不  
得二字

則庶可矣生又離鄉邑去親愛

甘辛苦而不厭者本非為是也如之何愈之於生既不

變矣戒生無以示愈者語於人

語上一  
有謂字

用息不知者之

謗生慎從之講禮釋友二篇比舊尤嘉

一作此  
書尤嘉

志深而

喻切因事以陳辭古之作者正如是爾愈頓首

上于襄陽書

孫曰于頔字允元貞元十四年九月以工部尚書為山南東道節度使

七月三日

嚴曰書稱守國子四門博士當在貞元十八年秋也將仕郎守國子四

門博士韓愈謹奉書尚書閣下夫士之能享大名顯當

世者莫不有先進之士

進一作達

負天下之望者為之前焉

士之能垂休光照後世者亦莫不有後進之士負天下之望者為之後焉莫為之前雖美而不彰莫為之後雖盛而不傳是二人者未始不相須也然而千百載乃一

相遇焉豈上之人無可援下之人無可推歟

祝曰援推引進也禮

記上弗援下弗推。援音爰推它回切。

何其相須之殷而相遇之疎也其故

在下之人負其能不肯諂其上上之人負其位不肯顧

其下故高材多戚戚之窮盛位無赫赫之光是二人者

之所為皆過也未嘗干之不可謂上無其人未嘗求之

不可謂下無其人愈之誦此言久矣而未嘗敢以聞於

人側聞閣下抱不世之材

一作抱苞

特立而獨行道方而事

實卷舒不隨乎時文武惟其所用豈愈所謂其人哉抑

未聞後進之士有遇知於左右獲禮於門下者豈求之

而未得耶

一無而字

其志存乎立功

其一作將

而事專乎報主雖過

其人而未暇禮邪

一無而字

何其宜聞而久不聞也愈雖不

才其自處不敢後於恒人閤下將求之而未得歟古人

有言請自隗始

孫曰史記燕昭王謂郭隗曰誠得賢士與共國孤之願也先生視可者得身事

之隗曰王欲致士先從隗始況賢於隗者豈遠千里哉樊曰戰國策燕昭王謂郭隗曰欲得賢士與共國以雪

先王之恥對曰誠欲致士先從隗始王築宮而師之樂毅鄒衍劇辛皆往焉○隗五賄切愈今者惟

朝夕芻米僕賃之資是急不過費閤下一朝之享而足

也一作宴如曰吾志存乎立功而事專乎報主一無之雖遇

其人未暇禮焉則非愈之所敢知也一無之世之齷齪

者既不足以語之一作與磊落奇偉之人磊魯又不能聽

焉則信乎命之窮也謹獻舊所爲文一十八首如賜觀覽亦足以知其志之所存愈恐懼再拜

與崔羣書

韓曰羣字敦詩清河人貞元八年中進士第時羣爲宣州判官而公爲國子四門博士洪曰劉禹錫云韓十八太輕薄謂李廿八程曰某與崔大羣同年往還直是聰明過人李曰

何處過人韓曰往還二十餘年不曾說著文章豈不是聰明過人也按此書稱羣不容口恐未必盡然蓋禹錫晚與公不相協溢惡之言爾

自足下離東都

孫曰公時在徐州幕

凡兩度枉問尋承已達宣州

主人仁賢同列皆君子

孫曰貞元十二年八月以崔衍為宣歙觀察使羣與李博俱在

幕府公送楊儀之序亦云當今藩翰之賓客惟宣州多賢與之遊者二人焉隴西李博清河崔羣

雖抱

羈旅之念亦且可以度日無入而不自得樂天知命者

固前修之所以禦外物者也況足下度越此等百千輩

豈以出處近遠累其靈臺邪

孫曰莊子靈臺者有持靈臺謂心也

宣州雖

稱清涼高爽然皆大江之南風土不並以北將息之道  
當先理其心心閒無事然後外患不入風氣所宜可以  
審備小小者亦當自不至矣足下之賢雖在窮約猶能  
不改其樂況地至近官榮祿厚親愛盡在左右者耶

無一

者所以如此云云者以為足下賢者宜在上位託於幕  
字府則不為得其所

一無其字

是以及之乃相親重之道耳非

所以待足下也僕自少至今從事於往還朋友間一十

七年矣

嚴曰此書最後言僕無以自全活者從一官於此轉困窮甚蓋在貞元十八年守國子四門博士



士時也退之貞元二年與與日月不為不久所與交往相羣往還至是蓋十七年矣

識者

一無所與二字

千百人非不多其相與如骨肉兄弟者亦

且不少或以事同或以藝取或慕其一善或以其久故  
或初不甚知而與之已密其後無大惡因而不復決捨  
或其人雖不皆入於善而於已已厚雖欲悔之亦不可

一無亦字

凡諸淺者固不足道深者止如此至於心所仰服

一作伏

考之言行而無瑕尤窺之閭奧而不見畛域畛音軫

明白淳粹輝光日新者惟吾崔君一人僕愚陋無所知

曉然聖人之書無所不讀其精麤巨細出入明晦雖不盡識抑不可謂不涉其流者也以此而推之以此而度之誠知足下出羣拔萃無謂僕何從而得之也

何從一作從何

與足下情義寧須言而後自明耶所以言者懼足下以爲吾所與深者多

一無以字

不致白黑於胷中耳

致一作置既謂

能粗知足下而復懼足下之不我知亦過也比有人說

足下誠盡善盡美抑猶有可疑者僕謂之曰何疑疑者

曰君子當有所好惡

好惡一作法

好惡不可不明如清河者

人無賢愚無所不說其善服其為人以是而疑之耳僕  
應之曰鳳凰芝草賢愚皆以為美瑞青天白日奴隸亦  
知其清明譬之於食物至於遐方異味則有嗜者有不

嗜者

不嗜上一  
無有字

至於稻也粱也膾也炙也

炙之夜切

豈聞有

不嗜者哉疑者乃解解不解於吾崔君無所損益也自  
古賢者少不肖者多自省事以來又見賢者恒不過不  
賢者比肩青紫賢者恒無以自存不賢者志滿氣得賢  
者雖得卑位則旋而死不賢者或至眉壽不知造物者

竟如何

一作竟  
竟如何

無乃所好惡與人異心哉又不知無乃

都不省記任其死生壽夭耶未可知也人固有薄卿相

之官千乘之位而甘陋巷菜羹者同是人也猶有好惡

如此之異者況天之與人當必異其所好惡無疑也合

於天而乖於人何害況又時有兼得者邪崔君無怠崔

君無怠

樊曰自太史公作伯夷列傳因論顏夭雖壽且曰天道是耶非耶公至是求其說而不得從而

為之辭曰天與人必異其好惡無疑然終之曰崔君無怠則亦勉其在已者而已此子厚天說所以歸之於仁

義之意也

僕無以自全活者從一官於此

見題

轉困窮甚思

自放於伊潁之上

韓曰伊山名潁水名嚴曰伊潁二水名伊水出虢州盧氏縣熊耳山潁水

舊云出潁川陽城縣西北少室山陽城縣今省入河南登封

當亦終得之近者尤衰

慙

慙蒲拜切

左車第二牙

孫曰僖五年左氏輔車相依唇亡齒寒注云車謂車牙也嚴曰車齒

本所着骨也退之是時年方三十六齒落眼昏鬢髮皆白可謂早衰矣嘗有齒落詩去年落一牙蓋此年作也

無故動搖脫去目視昏花尋常間便不分人顏色兩鬢

半白頭髮五分亦白其鬚亦有一莖兩莖白者僕家不

幸諸父諸兄皆康彊早世如僕者又可以圖於久長哉

以此忽忽思與足下相見一道其懷小兒女子滿前不

能顧

一作小兒滿前不能顧滿字一作眼

念足下何由得歸北來僕不樂

江南

孫曰公嘗家宣城

官滿便終老嵩下

一有山字

足下可相就僕

不可去矣珍重自愛慎飲食少思慮惟此之望愈再拜

### 與陳京給事書

樊曰京字慶復大歷元年中進士第貞元十七年京以考功員外郎公以四門博士皆議  
禘祫十九年  
京遷給事中

愈再拜愈之獲見於閣下有年矣始者亦嘗辱一言之  
譽貧賤也衣食於奔走不得朝夕繼見其後閣下位益

尊伺候於門牆者日益進夫位益尊則賤者日隔伺候  
於門牆者日益進則愛博而情不專愈也道不加修而  
文日益有名夫道不加修則賢者不與文日益有名則  
同進者忌始之以日隔之疏加之不專之望專一作辱以不

與者之心而聽忌者之說由是閤下之庭無愈之跡矣

去年春亦嘗一進謁於左右矣溫乎其容若加其新也

一有矣字屬乎其言若憫其窮也一有退而喜也以告於人

以一作知其後如東京取妻子嚴曰謂為四門博士又不得

朝夕繼見及其還也亦嘗一進謁於左右矣邈乎其容  
其若不察其愚也悄乎其言其若不接其情也一作於情也

退而懼也不敢復進今則釋然悟翻然悔曰其邈也乃  
所以怒其來之不繼也其悄也乃所以示其意也不敏  
之誅無所逃避不敢遂進輒自疏其所以并獻近所為文

一無文字復志賦以下十首為一卷卷有標軸送孟郊序一

首孫曰郊時為溧陽尉

生紙寫

補注邵氏聞見錄云唐人有生紙有熟紙熟紙所謂妍妙輝光者其

法不一生紙非有喪故不用退之云送孟郊序用生紙急於自解不暇擇耳今人少有知者。生字今本作乏



不加裝飾皆有楷注字處急於自解而謝不能俟更寫  
閣下取其意而略其禮意一作言可也愈恐懼再拜

### 荅馮宿書

孫曰宿字拱之婺州東陽人公同年進士反復公書詞而考之必其避謗而分教東都時作

垂示僕所闕非情之至僕安能聞此言朋友道缺絕久

矣無有相箴規磨切之道僕何幸乃復得吾子一無復字僕嘗

憫時俗人有耳一有而字不自聞其過懔懔然惟恐已之不

自聞也

祝曰懷懷敬也畏也力稔切○之一作久

而今而後有望於吾子矣

然足下與僕交久僕之所守足下之所熟知在京城時

囂囂之徒

囂虛驕切

相訾百倍

訾毀也子爾切

足下時與僕並居

無

並字一  
無居字

朝夕同出入起居亦見僕有不善乎然僕退而

思之

一無之字

雖無以獲罪於人亦有以獲罪於人者

獲一作服

僕在京城一年不一至貴人之門人之所趨僕之所傲與

已合者則從之遊不合者雖造吾廬未嘗與之坐此豈

徒足致謗而已不戮於人則幸也追思之可為戰慄寒

心故至此以來尅已自下雖不肖人未嘗敢以貌慢之

況時所尚者耶以此自謂庶幾無時患不知猶復云云

也聞流言不信其行

孫曰禮記儒行久不相見聞流言不信其行

嗚呼不復

有斯人也君子不為小人之恟恟而易其行

孫曰東方朔之詞恟

恟恐也許勇切

僕何能爾

趙本作不

委曲從順向風承意

向一作望汲汲

恐不得合猶且不免云云

一作猶且懼不免云云

命也如何

命一作故

一作可

然子路聞其過則喜禹聞昌言則下車拜

補注此本孟子

之古人有言曰告我以過者吾之師也

孫曰荀卿子曰非我而當者吾

師也。是我而當者吾友也。諂諛我者吾賊也。

願足下不憚煩。苟有所聞。必以相

告。吾亦有以報。子不敢虛也。不敢忘也。愈再拜。

### 與衛中行書

集注中行字大受。御史中丞晏之子。貞元九年。進士。公始從董晉汴州。又從張建封徐州。二公甫卒。而軍皆亂。大受喜。公脫禍。以書遺公。公後寓東都。作此書與之。故言其窮居之狀云。

大受足下。辱書為賜。甚大。然所稱道過盛。豈所謂誘之而欲其至於是歟。不敢當。不敢當。其中擇其一二近似。

者而竊取之則於交友忠而不反於背面者少似近焉

亦其心之所好耳行之不倦則未敢自謂能爾也

一本又有

不敢當不敢當六字

至於汲汲於富貴以救世為事者

事一作業

皆聖

賢之事業知其智謀與力能任者也

一作知其智能謀其力能任也

如

愈者又焉能之始相識時方甚貧衣食於人其後相見

於汴徐二州僕皆為之從事日月有所入比之前時豐

約百倍足下視吾飲食衣服

一無足下二字

亦有異乎然則僕

之心或不為此汲汲也其所不忘於仕進者亦將小行乎

其志耳此未易遽言也凡禍福吉凶之來似不在我惟君子得禍為不幸而小人得禍為恒君子得福為恒而小人得福為不幸以其所為似有以取之也必曰君子則吉小人則凶者不可也賢不肖存乎已貴與賤禍與福存乎天

補注  
武昌

石大任曰韓愈謂貴與賤禍與福存乎天以予觀之貴與賤存乎天可也禍與福存乎天則不可也蓋禍與福在己而已孟子曰禍福無不自己求之者是禍與福皆存乎己歟名聲善惡存乎人存

乎者吾將勉之存乎天存乎人者吾將任彼而不用吾力焉其所守者豈不約而易行哉足下曰命之窮通自

我為之吾恐未合於道足下徵前世而言之則知矣若  
曰以道德為已任窮通之來不接吾心則可也窮居荒  
涼草樹茂密出無驢馬因與人絕一室之內有以自娛  
足下喜吾復脫禍亂見題注不當安安而居遲遲而來也  
愈再拜

### 上張僕射第二書

樊曰公此書諫張建封擊毬事韓曰第二書  
者或指前論晨入夜歸為第一書也補注觀  
堂劉夷叔云退之諫張僕射擊毬書纔數百  
言使人意動神悚子厚勸李睦州服氣書費

千餘言乃反縷而不切  
人才相去不可及哉

愈再拜以擊毬事諫執事者多矣

嚴曰古者蹴鞠以毛實皮蹴踏為戲後世

圓木為丸以杖擊之或以驢馬之上謂之擊毬與蹴鞠殊異集有汴泗交流贈張僕射詩云毬驚杖奮合且離霹靂應手神珠馳正言擊毬也末章言此誠習戰非為劇豈若安坐行良圖亦諫止之辭也

諫者不

休執事不止此非其樂不可捨其諫不足聽故也

一作哉

諫不足聽者辭不足感人心也樂不可捨者患不能切

身也

趙本作切人身也

今之言毬之害者必曰有危墮之憂

墮

墮作身激射之虞小者傷面目大者殘形驅執事聞之若



不聞者其意必曰進若習熟必無危墮之憂避能便捷則免激射之虞小何傷於面目大何累於形軀者哉愈今所言皆不在此其指要也

一無字也

非以他事外物牽引

相比也特以擊毬之間之事明之耳

一無字

馬之與人性

情殊異至於筋骸之相束

於一作其

血氣之相持安佚則適

勞頓則疲者同也乘之有道步驟折中少必無疾老必後衰及以之馳毬於場蕩搖其心腑振撓其筋角氣不及出入走不及迴旋遠者三四年近者一二年無全馬

矣然則毬之害於人也決矣凡五臟之繫絡甚微

絡歷各切

坐立必懸垂於胃臆之間

必一作即臆一作腹

而之以顛頻馳騁

嗚呼其危哉春秋傳曰夫有尤物足以移人苟非德義

則必有禍

補注昭二十八年左氏所載叔向之辭

雖愷悌君子神明所扶

持然廣慮之深思之亦養壽命之一端也愈恐懼再拜

### 與馮宿論文書

樊曰按李習之祭公文及公此日足可惜贈張籍詩則二子始皆從公于汴州今此書云近李翱從僕學文張籍亦學於僕則此書其汴州所作歟

辱示初筮賦

筮一作仕

實有意思但力為之古人不難到但

不知直似古人亦何有得於今人也

一無有字  
一無得字

僕為文

久每自稱意中以為好則人必以為惡矣

則一作即

小稱意

即人亦小怪之

一無即字

大稱意即人亦大怪之也

一無即字

也時時應事作俗下文字者

一無文  
字二字

下筆令人慙及示

人人必以為好矣小慙者亦蒙謂之小好大慙者即必

以為大好矣

一本以為  
一作謂之

不知古文真何用於今世也

真一

作然以俟知者知耳昔楊子雲著太玄人皆笑之

嚴曰  
子雲

欽定四庫全書

卷十七

晚悔雕蟲潛心奧境慕周易而草太玄當世之人或譏其尚白或誚其可覆醬瓿或非其僭聖作經猶吳楚稱王蓋誅絕之罪也子雲泊然自守不以屑意姑俟後世之子雲而已子雲之言曰一無之言二字

世不我知無害也後世復有揚子雲必好之矣子雲死

近千載竟未有揚子雲可歎也歎一作類其時桓譚亦以雄

書勝老子

以一作以爲孫曰譚字君山沛國相人

老子未足道也子雲豈

止與老子爭強而已哉

一作乎

此不為知雄者

一云此誠未必為知

雄

者其弟子侯芭頗知之

芭音巴孫曰芭鉅鹿人嘗從雄居受太玄法言

以為其

師之書勝周易然侯之他文

一作侯芭之他文

不見於世不知

其人果如何耳以此而言作者不祈人之知也明矣直

百世以俟聖人而不惑質諸鬼神而不疑耳

孫曰此禮記中庸之

大○耳一作矣

足下豈不謂然乎近李翱從僕學文頗有所得

然其人家貧多事未能卒其業有張籍者年長於翱而

亦學於僕其文與翱相上下一二年業之庶幾至乎至

也

庶幾下一無至字一有全字

然閔其棄俗尚而從於寂寞之道以

之爭名於時也

一有未知果能不叛去乎八字

久而不談聊感足下能

自進於此故復發憤一道愈再拜

與祠部陸修員外薦士書

韓曰修字公佐貞元十六年為祠部員外郎十八年權德輿典貢舉修佐之公時為四門博士薦侯喜等十人于修

執事好賢樂善孜孜以薦進良士明白是非為已任方今天下一人而已愈之獲幸於左右其足跡接於門牆之間升乎堂而望乎室者乎一作于上同亦將一年于今矣念慮所及輒欲不自疑外竭其愚而道其志況在執事之所孜孜為已仕者得不少助而張之乎誠不自識其言之

可採與否其事則小人之事君子盡心之道也天下之

事一作士不可遽數又執事之志或有待而為未敢一

二言也今但言其最近而切者爾執事之與司貢士者

與下一相知識深矣一無相字彼之所望於執事所

一作所執事之所以待乎彼者可謂至而無間疑矣彼

之識在乎得人執事之志在乎進賢如得其人而授之

所謂兩得其求順乎其必從也執事之知人其亦博矣

夫子之言曰舉爾所知然則愈之知者亦可言也一作矣

文章之尤者有侯喜者侯雲長者喜之家在開元中衣冠而朝者兄弟五六人及喜之父仕不達棄官而歸喜率兄弟操耒耜而耕而耕一有于野二字地薄而賦多不足以養其親則以其耕之暇讀書而為文以干於有位者而取足焉

喜之文章學西漢而為也舉進士十五六年矣

補注貞元十九

年喜中進士第後終於國子主簿

雲長之文執事所自知其為人淳重

方實可任以事其文與喜相上下

補注貞元十八年雲長中進士第

有

劉述古者其文長於為詩文麗而思深當今舉於禮部



者其詩無與爲比而又工於應主司之試其爲人溫良

誠信無邪妄詐佞之心

一作無邪佞詐妄之心

彊志而婉容和平

而有立其趨事靜以敏著美名而負屈稱者其日已久

矣

補注貞元二十一年述古中進士第

有韋羣玉者京兆之從子

補注貞元十七

年十月吏部侍郎韋夏卿爲京兆尹

其文有可取者其進而未止者也其

爲人賢而有材

一作行

志剛而氣和樂於薦賢爲善其在

家無子弟之過居京兆之側遇事輒爭不從其令而從

其義求子弟之賢而能業其家者羣玉是也

補注羣玉不見于登

科記公之所薦十人九第而羣玉獨遺豈有司以京兆從子之故遠嫌畏譏矯而黜之邪凡此四子

皆可以當執事首薦而極論者主司疑焉則以辯之問

焉則以告之未知焉則慙慙而論之論一作語期乎有成而

後止可也有沈杞者補注貞元十八年杞中進士第張荭者補注元和二年荭中

進士第一作弘尉遲汾者補注貞元十八年汾中進士第尉音鬱汾扶分切李紳者

補注紳字公垂元和元年張後餘者補注元和二年後餘中進士第明年

進士第會昌中為丞相或文或行皆出羣之材也

嚴曰侯喜字叔起撫言云貞元十八年權德輿王大陸員外通榜帖韓文公薦十人上四人曰侯喜侯雲長

劉述古韋紆其次六人沈杞張荏遲汾李紳張俊餘李  
翺而韋公三榜其故六人荏紳俊餘不出五年之外皆  
捷矣韋紆即羣玉也張俊餘即  
後餘也據言所載與此書合

人望得才實主司疑焉則以解之問焉則以對之廣求

焉則以告之可也往者陸相公司貢士考文章甚詳愈

時亦在得中

孫曰貞元八年陸贄知舉賈拔等二十三人登第公與焉一本無幸字

而未

知陸之得人也其後一二年所與及第者皆赫然有聲

原其所以亦由梁補闕肅王郎中礎佐之

孫曰肅字敬之礎大厯七

年中第十五

卒○礎音楚

梁舉八人無有失者

樊曰歐陽唐傳云唐與韓愈李觀李

絳崔羣王涯馮宿庾承宣聯第皆天下其餘則王皆與  
選時稱龍虎榜梁舉八人疑此是也

謀焉陸相之考文章甚詳也待梁與王如此不疑也梁

與王舉人如此之當也此句一無至今以為美談自後

主司不能信人人亦無足信者一作無所故蔑然無聞

蔑莫結切。一作蔑蔑無聞。今執事之與司貢士者有相信之資有

與謀行之道惜乎其不可失也方今在朝廷者多以遊

讌娛樂為事獨執事眇然高舉有深思長慮為國家樹

根本之道宜乎小子之以此言聞於左右也愈惶懼再

拜

五百家注昌黎文集卷十七

欽定四庫全書

五百家注昌黎文集卷十八

宋 魏仲舉 編

書

與鳳翔邢尚書書

孫曰尚書名君牙瀛州樂壽人貞元三年三月為鳳翔尹鳳翔隴州都防禦觀察使尋遷左神策行營節度鳳翔隴州觀察使加檢校工部尚書十五年三月卒韓曰公貞元十一年五月去京師有不過時之歎過潼關由鳳翔以書抵君牙蓋是年六月云與鳳翔一本

作與西京

節度使

愈再拜

一本作月日客有韓愈者再拜上書尚書閣下

布衣之士

嚴曰阮嗣宗秦記蔣濟曰

布衣窮居韋帶之士王公大人所以屈體而下之者為道存也

身居窮約不借勢於王

公大人則無以成其志王公大人功業顯著不借譽於

布衣之士則無以廣其名是故布衣之士雖甚賤而不諂

王公大人雖甚貴而不驕其事勢相須其先後相資也

今閣下為王瓜牙為國藩垣威行如秋仁行如春戎狄

棄甲而遠遁朝廷高枕而不虞是豈負大丈夫平生之



志願哉是豈負明天子非常之顧遇哉

豈一作當

赫赫乎沈

沈乎

孫曰沈沈武勇貌詩武夫沈沈是也  
沈音光一本無沈沈乎三字

功業遂日以

新聲名隨風而流宜乎謹呼海隅高談之士奔走天下

慕義之人使或願馳一傳

祝曰傳驛遞也周禮傳達于四方○傳音轉

或願

操一戈納君於唐虞收地於河隍

嚴曰隍音皇水名出金城臨羌塞外東入

河然而未至於是者亦盖有其說云

一無其字

豈非待士之

道未甚厚遇士之禮未甚優請粗言其事閤下試詳而聽之夫士之來也必有求於閤下夫以貧賤而求於富

貴正其宜也。閤下之財不可徧施於天下。在擇其人之賢愚而厚薄等級之可也。假如賢者至閤下，乃一見之。愚者至，不得見焉。則賢者莫不至而愚者日遠矣。假如愚者至，閤下以千金與之。賢者至，亦以千金與之。

亦一作又

則愚者莫不至而賢者日遠矣。

樊曰：先是有布衣張汾者，無紹而干君牙，軒然

生客上會吏摘簿書以盜設宴錢五萬。君牙怒其欺，汾不謝去。曰：吾在京師聞邢君牙一時豪俊，今與設吏論錢云何？君牙慙遽，使引為上客，留月餘以五百金為贈。故公之辭云耳。

欲求待士之道盡

於此而已矣。欲求士之賢愚在於精鑒博採之而已矣。

精鑒於已固已得其十七八矣又博採於人百無一二遺者焉若果行是道愈見天下之竹帛不足以書閣下

之功德矣天下之金石不足以頌閣下之形容矣愈也

一有固字

布衣之士也生七歲而讀書

嚴曰大歷九年也皇甫湜云先生七歲好

學言出

十三而能文

建中元年也

二十五而擢第於春官

嚴曰

貞元八年或云退之貞元十一年去京師過潼關遊鳳翔以書抵邢君牙不得意去

以文名於四

方前古之興亡未嘗不經於心也

一無也字

當世之得失未

嘗不留於意也嘗以天下之安危在邊故六月于邁

補注

詩從公于邁

來觀其師及至此都

一無至字

徘徊而不能去者

一作

而不能速去者一作而不

敢速進者誠悅閣下之義願少立於階墀之下

望見君子之威儀也居十日而不敢進謁者誠以左右

無先為容也

孫曰漢鄒陽曰蟠木根柢而為萬乘器者以左右先為之容也一作居十日而不敢

將涉者無佐理為先容也一作無先為之容

懼閣下以衆人視之則殺身不

足以滅恥徒悔恨於無窮故先陳此書叙其所以來之

意

一本重有之字

閣下其無以為狂

一無其字一作毋

而以禮進退之

幸甚幸甚愈再拜

為人求薦書

某聞木在山馬在肆

孫曰莊子求馬於唐肆肆猶廐也

過之而不顧者

雖日累千萬人未為不材與下乘也及至匠石過之而

不睨

孫曰莊子匠石之齊石當時匠名也

伯樂遇之而不顧然後知其非

棟樑之材超逸之足也

逸一作遠

以某在公之宇下非一日

而又辱居姻婭之後

孫曰爾雅婿之父曰姻兩婿相謂曰姻詩瑣瑣姻婭

是生於

匠石之園長於伯樂之廐者也於是而不得知假有見

知者千萬人亦何足云爾

一無爾字

今幸賴天子每歲詔公

卿大夫貢士若某等比

一比無字

咸得以薦聞是以冒進其

說以累於執事亦不自量已

一有也字

然執事其知某何如

哉昔者有鬻馬不售於市者

祝曰說文售賣物去手也承說切

知伯樂

之善相也從而求之伯樂一顧價增三倍

樊曰燕代見齊王先說淳

于髡曰人有賣駿馬者比三旦立市人莫之知往見伯樂伯樂乃還而視之去而顧之一旦而馬價十倍今臣之欲以駿馬見于王足下有意為臣伯樂乎見戰國策。一本作馬價三倍

某與其事頗相

類

一有字

是故始終言之耳某再拜

應科目時與韋舍人書

嚴曰即貞元九年宏辭試也

月日愈再拜

一云應博學宏詞前進士韓愈謹再拜上書舍人閣下

天池之濱大

江之濱

祝曰說文濱水涯也詩鋪敦淮濱○濱扶文切

曰有怪物焉蓋非常鱗

凡介之品彙匹儔也

孫曰介虫之有甲者匹一作比

其得水變化風雨

上下于天地不難也其不及水蓋尋常尺寸之間爾

孫曰

六尺曰尋倍尋曰常

無高山大陵曠途絕險為之闕隔也然其窮

涸不能自致乎水

涸下各切

為獮獮之笑者

祝曰獮亦獮屬獮獮水狗也禮

記獮祭魚選獮獮睽瞋乎

蓋八九年矣

一作十八九矣

如有力

者哀其窮而運轉之蓋一舉手一投足之勞也然是物

也負其異於衆也且曰爛死於泥沙吾寧樂之若俛首

帖耳

帖記  
協切

搖尾而乞憐者非我之志也是以有力者遇

之熟視之若無覩也其死其生固不可知也今又有有

力者當其前矣聊試仰首一鳴號焉庸詎知有力者不

哀其窮而忘一舉手一投足之勞而轉致之清波乎

無一

致字一作  
波濤乎

其哀之命也其不哀之命也知其命而鳴

且號之者

趙作且呼號之者一  
作且鳴號之者

亦命也愈今者實有類



於是是以忘其疎愚之罪而有是說焉閣下其亦憐察之

### 荅劉正夫書

樊曰正夫或作巖夫書云某於足下忝先進又嘗從遊於賢尊給事給事劉伯芻也公詩有和號州劉給事使君新題二十一詠即其人伯芻三子寬夫端夫巖夫字子耕登元和十年進士第

愈白進士劉君足下辱牋教以所不及既荷厚賜且愧其誠然幸甚幸甚舉進士於先進之門何所不往先進

之於後輩苟見其至寧可以不荅其意耶來者則接之

舉城士大夫莫不皆然

一作皆能然

而愈不幸獨有接後輩

之名

一無之字

名之所存謗之所歸也有來問者不敢不以

誠荅或問為文宜何師必謹對曰宜師古聖賢人曰古

聖賢人所為書具存辭皆不同宜何師必謹對曰師其

意不師其辭又問曰

一無問字

文宜易宜難必謹對曰無難

易

嚴曰李習之云天下之語文章其愛難者則曰文章宜深而不當易其愛易者則曰文章宜通不當難此皆偏

滯而不流未識文章之所主也書曰朕聖讒說殄行震驚朕師詩曰茹彼柔柔其下俟旬此非易也書曰允恭

克讓光被四表格于上下詩曰十畝之間兮  
桑者閒閒兮此非難也○一作無難無易惟其是而

已矣

一作惟其是耳如是而已矣

非固閑其為此而禁其為彼也夫

百物朝夕所見者人皆不注視也及覩其異者則共觀

而言之夫文豈異於是乎漢朝人莫不能為文獨司馬

相如太史公劉向揚雄為之最

之一作文

然則用功深者其

收名也遠若皆與世浮沉不自樹立雖不為當時所怪

亦必無後世之傳也

嚴曰李習之云義雖深理雖當辭不工者不成文宜不能傳也文理

義三者兼并乃能獨立於一時而不泯滅於後代能必傳也仲尼曰言之不文傳之不遠足下家中

百物皆賴而用也然其所珍愛者必非常物夫君子之

於文豈異於是乎今後進之為文

一作之士為文

能深探而力

取之

探他南切

以古聖賢人為法者雖未必皆是要若有司

馬相如太史公劉向揚雄之徒出必自於此不自於循

常之徒也若聖人之道不用文則已用則必尚其能者能

者非他能自樹立不因循者是也有文字來誰不為文

然其存於今者必其能者也顧常以此為說耳

顧常一作顧必

當愈於足下忝同道而先進者又嘗從遊於賢尊給事

既辱厚賜又安得不進其所有以為荅也足下以為如

何一無以愈白

### 荅殷侍御書

韓曰殷侍御殷侑也公嘗薦侑堪任御史大夫太常博士後又有序送其自太常博士遷尚書虞部員外郎兼侍御史副李孝誠使回鶻則知殷侍御為侑無疑○一本題作殷銜侍御又一作侍郎

某月日愈頓首辱賜書周覽累日竦然增敬感然汗出以慙愈於進士中粗為知讀經書者一來應舉事隨日

生雖欲加功竟無其暇遊從之類相熟相同不教不學

悶然不見已缺日失月亡

月字或一作日

以至於老所謂無以

自別於常人者每逢學士真儒歎息踟躇

上子六切下資昔切

愧

生於中顏變於外不復自比於前人者

一作於人前者

蒙示新

注公羊春秋

嚴曰齊人公羊高子夏門人作春秋傳新注殷侑注也退之薦侑狀云兼通三傳旁

習諸經注疏之外自有所得

又聞口授指略私心喜幸恨遭逢之晚

願盡傳其學職事羈縻未得繼請怠惰因循不能自彊

此宜在擯而不教者今反謂少知根本其辭章近古可

令叙所注書惠出非望承命反側善誘不倦斯為多方

敢不喻所指八月益涼時得休假一作假儻矜其拘綴不

得走請務道之傳而賜辱臨執經座下獲卒所聞是為

大幸況近世公羊學幾絕何氏注外不見他書樊曰後漢何休

任城人太傅陳蕃辟與叅政事蕃敗休坐廢錮乃作春秋公羊解詁妙得公羊本意作公羊墨守左氏膏肓穀

梁廢疾墨守謂如墨翟之守城不可攻也於是鄭康成乃發墨守鍼膏肓起廢疾休見歎曰康成入吾室操吾

戈以伐我乎聖經賢傳屏而不省要妙之義無自而尋非先

生好之樂之味於衆人之所不味務張而明之其孰能

勤勤拳拳

一作繼繼

若此之至固鄙心之所最急者如遂蒙

開釋章分句斷

一有也字

其心曉然直使序所注掛名經端

自託不腐

樊曰侑欲求公序所注公羊春秋公亦許之而序及侑所注今皆無傳或世逸之耶

其

又奚詞將惟先生所以命愈再拜

### 荅陳商書

集注商元和九年進士會昌五年為侍郎典貢舉此書乃商未第前以文求益於公而公為國子先生時作也

愈白辱惠書語高而旨深三四讀尚不能通曉茫然增



愧赧又不以其淺弊無過人智識且喻以所守幸甚愈

敢不吐情實然自識其不足補吾子之所須也

所上一無之字

齊王好竽

嚴曰事見韓非子

有求仕於齊者操瑟而往立王之

門三年不得入叱曰吾瑟鼓之能使鬼神上下吾鼓瑟

合軒轅氏之律呂容罵之曰王好竽而子鼓瑟瑟雖工

其如王不好何是所謂工於瑟而不工於求齊也

求一作等

今舉進士於此世

一有也字

求祿利行道於此世而為文必

使一世人不肖得無與操瑟立齊門者比歟文誠工

誠一

作華不利於求求不得則怒且怨不知君子必爾為不也

一作不為也故區區之心每有來訪者來一作求皆有意於不肖

者也略不辭讓遂盡言一有字惟吾子諒察愈頓首

### 與孟簡尚書書

樊曰孟簡最嗜佛嘗與劉伯芻歸登蕭僊譚次梵言者公元和十四年以言佛骨貶潮州與潮僧大顛遊人遂云奉佛氏其冬移袁州明年簡移書言及公作此書答之

愈白行官自南迴過吉州

孫曰元和十五年貶太子賓客分司孟簡吉州司馬簡字

我道德州平昌人

獲吾兄二十四日手書數番

一云手示披讀數番忻悚

兼至未審入秋來眠食何似伏惟萬福來示云有人傳

愈近少信奉釋氏者

一作傳愈心近少奉釋氏者

此傳者之妄也

一無

此傳者之四字

潮州時

補注元和十四年正月公謫潮州刺史

有一老僧號大顛

頗聰明識道理遠地無可與語者故自山召至州郭留

十數日

十數一作數十

實能外形骸以理自勝不為事物侵亂

孫曰司馬溫公書心經後曰世稱韓文公不喜佛嘗排之予觀其與孟尚書論大顛云能以理自勝不為事物侵亂乃知公於書無所不觀蓋嘗徧觀佛書取其精粹而排其糟粕耳不然何以知不為事物侵亂為學佛者所先

與之語雖不盡解要且自胸中無滯礙

一無上六字一無自

一以為難得一本云自因與來往及祭神至海上遂造

其廬及來袁州

孫曰是歲十月公移袁州刺史

留衣服為別乃人之情

非崇信其法求福田利益也孔子曰丘之禱久矣凡君

子行已立身自有法度聖賢事業具在方冊可效可師

仰不愧天俯不愧人內不愧心積善積惡殃慶自各以

其類至何有去聖人之道捨先王之法而從釋氏之教

以求福利也詩不云乎豈弟君子求福不回

補注詩早麓之文

傳又曰不為威惕不為利疚

孫曰哀十六年左氏不為利諂不為威惕昭二十年

左氏君子不為利疚  
不為義回疚病也

假如釋氏能與人為禍福

一作崇

非

守道君子之所懼也況萬萬無此理且彼佛者果何人  
哉其行事類君子邪小人邪若君子也必不妄加禍於  
守道之人如小人也其身已死其鬼不靈天地神祇昭  
布森列非可誣也又肯令其鬼行曾臆作威福於其間  
哉進退無所據而信奉之亦且惑矣

一作非  
大惑歟

且愈不助

釋氏而排之者其亦有說孟子有云今天下不之楊則  
之墨楊墨交亂而聖賢之道不明聖賢之道不明則三

綱淪而九法斃

孫曰九法九疇之法斃敗也書彛倫攸斃○斃都故切

禮樂崩而

邪說橫

戶孟切

幾何其不為禽獸也故曰能言距楊墨者

皆聖人之徒也楊子雲曰古者楊墨塞路孟子辭而闢

之廓如也夫楊墨行正道廢且將數百年以至於秦卒

滅先王之法燒除經書

孫曰始皇三十四年丞相李斯請史官非秦記皆燒之非博士

官所職天下有家藏詩書百家語者皆詣守尉雜燒之

坑殺學士

孫曰始皇三十五年始皇曰諸

侯之在咸陽者吾使人廉問或為妖言以亂黔首於是使御史案問諸生得四百六十餘人皆坑之咸陽天

下遂大亂及秦滅漢興且百年尚未知修明先王之道

其後始除挾書之律

孫曰漢惠帝四年始除挾書之律

稍求亡書招學

士經雖少得尚皆殘缺

一無尚字

十七二三故學士多老死

新者不見全經

孫曰漢文帝時求治尚書者聞伏生藏於壁中召得之亡數十篇

不能

盡知先王之事各以所見爲守分離乖隔不合不公二

帝三王羣聖人之道於是大壞後之學者無所尋逐

一所

作以至於今泯泯也

泯盡也彌盡切

其禍出於楊墨肆行而莫

之禁故也孟子雖賢聖不得位空言無施雖切何補然賴

其言而今學者尚知宗孔氏崇仁義貴王賤霸而已其

大經大法皆亡滅而不救壞爛而不收所謂存十一於

千百安在其能廓如也然向無孟氏向一作荀則皆服左衽

而言侏離矣祝曰後漢南蠻傳衣裳班閑語言侏離侏離語不明之貌注蠻夷語聲也○侏音

朱故愈嘗推尊孟氏以為功不在禹下為此也補注張俞論曰

韓言孟軻輔聖明道之功不在禹下斯亦過矣予謂楊墨之禍未若洪水然而九年之害非禹不能平孔氏之道雖見侵毀然不由軻而益尊苟毀譽由軻而興則漢不足謂之孔子之道使聖人復生必不易予言也

漢

氏以來羣儒區區修補百孔千瘡隨亂隨失其危如一

髮引千鈞縣縣延延寢以微滅於是時也而唱釋老於



其間鼓天下之衆而從之嗚呼其不仁甚矣

甚一作耳釋老

之害過於楊墨韓愈之賢不及孟子

補注木鴈鄭少微曰孟韓之功其同

二而立言行已其異五孟子於楊墨方其始也禽獸視之而愈則曰火其書廬其居人其人一旦逃而歸也孟

子受之而已矣而愈則序文暢詩澄觀此其同者二也孟子曰堯舜不徧愛急親賢也愈則曰一視而同仁孟

子言必稱堯舜愈則曰王易王霸易霸也孟子曰性本善也而愈品為三孟子曰墨亂孔也而愈合為一孟子藐大人輕萬鍾召之則不往也愈則佞于頃于宰相此其異者五也其曰韓愈之賢不及孟子可謂能自知矣

○藐莫角切

孟子不能救之於未亡之前而韓愈乃欲全之

於已壞之後嗚呼其亦不量其力且見其身之危莫之

救以死也雖然使其道由愈以粗傳雖滅死萬萬無恨  
天地鬼神臨之在上質之在旁又安得因一挫折自毀  
其道以從於邪也籍湜輩湜音植雖屢指教不知果能不  
叛去否辱吾兄眷厚而不獲承命惟增慙懼死罪死罪

愈再拜

補注鄧瑀曰韓愈始論佛骨似有闕邪說距諷行之意斥守潮陽與大顛往來海濱及得孟簡

書文過飾非至今仕宦傳其真與大顛對釋氏之徒撰大顛之辭以非之誠自取也交可不擇哉

荅呂鑒山人書

愈白惠書責以不能如信陵執轡者

樊曰史記魏公子無忌昭王少子安

釐王異母弟也安釐王即位封公子為信陵君魏有隱士侯嬴為大梁夷門監者公子從車騎虛左自迎侯生攝弊衣冠直上載公子上坐欲以觀公子公子執轡愈恭夫信陵戰國公子欲以取

士聲勢傾天下而然耳如僕者自度若世無孔子不當

在弟子之列以吾子始自山出有朴茂之美意恐未磨

礪以世事又自周後文弊百子為書各自為家亂聖人

之宗後生習傳雜而不貫一作實故設問以觀吾子其已

成熟邪一作乎將以為友也其未成熟邪將以講去其非而

趨其是耳一作去非而趨是耳不如六國公子有市於道者也方

今天下入仕惟以進士明經及卿大夫之世耳其人率皆習熟時俗工於語言識形勢善候人主意故天下靡靡日入於衰壞恐不復振起務欲進足下趨死不顧利害去就之人於朝以爭救之耳非謂當今公卿間無足下輩文學知識也不得以信陵比然足下衣破衣繫麻鞋率然叩吾門吾待足下雖未盡賓主之道不可謂無意者也足下行天下得此於人蓋寡

一無此字

乃遂能責不足

於我此真僕所以汲汲求者議雖未中節其不肯阿曲

以事人者

阿曲一作效俗一作灼灼明矣方將坐足下

三浴而三熏之

樊曰齊使人請管仲於魯於是嚴公使束縛以與齊使受之而退比至三疊三

浴之小白親迎之郊而與之坐問焉注以香塗身曰疊熏一作疊

聽僕之所為少安無

躁愈頓首

### 荅渝州李方古使君書

韓曰方古貞元十二年進士書所言河南事迹或以公嘗為河南令疑其指此然觀書意當是李使君以河南事迹囑公有言於朝也房式嘗為河南尹及卒謚曰傾韋乾度以劉闢作難發兵署牒首曰闢副曰式大節已虧不宜得謚唯李虞仲謂不然意使君之欲辨

河南事跡  
者此耳

乖隔年多不獲數附書狀

一無狀字

慕仰風味未嘗敢忘使

至連辱兩書告以恩情迫切不自聊賴重序河南事迹

本末文字綢密典實可尋而推究之明萬萬無一可疑

者欽想所為益深勤企豈以愈為粗有知識可語以心

而告之急哉是比數愈於古人而收之何幸之大也愈

雖無節槩知感激若使在形勢親狎於要路有言可伸

之一一作有言

雖百悔吝不敢默默今既無由緣進言言

之可信之望

之恐益累高明是以負所期待竊竊轉語於人不見成

效此愈之罪也然不敢忘去其心期之無已一無上四字以

報見待惟且遲之且一作宜勿遽止罷止一作棄幸甚莊子云知

其無可奈何而安之若命者聖也孫曰莊子德充符曰知其不可奈何而安

之若命唯有德者能之傳曰君子俟命孫曰禮記君子居易以俟命然無所補

益進其厭飫者祇增媿耳良務寬大愈再拜

### 元稹與史館韓郎中書

補注元和八年正月乙亥以愈為比部郎中史館修撰

郎中退之足下稔前與襄州文學掾甄逢遊善逢即故

刑部員外郎濟之子

孫曰濟字孟成定州無極人

濟天寶中隱於衛

之青巖山

孫曰濟隱青巖人服其操行約不畋漁

採訪使苗公等五人

孫曰

苗公名晉卿

皆以狀薦凡十徵不起末以左拾遺就拜之

孫曰

天寶十年

適值祿山朝奏京師懇於上前求為賓介玄宗可

其奏

孫曰授濟大理評事充范陽節度掌書記

祿山還至衛縣遣太守鄭遵

意詣山致命輟行信宿以俟之甄生懼及其難俛首從

事至天寶十二載祿山反狀潛兆慮不得脫乃偽瘖其



口復隱青巖

孫曰濟察祿山有反謀不可諫衛令齊玘誠信可託乃求使至衛具以誠告令弟澄

密求羊血以為備至夜偽嘔血疾不能支遂昇歸

踰年而祿山叛即日遣偽節

度使蔡希德緘刀逼召且曰或不可強斬首來狗既而

甄生喋閉無言延頸承刃氣和色定若甘心然希德義

而舍之祿山亦不能致

孫曰祿山使希德領行戮者李拔等二人封刀來召察濟詐不

起即就戮之濟引頸以待希德嗟歎以實病告

慶緒繼逆虜而囚之於東都安

國觀代宗復洛甄生卧匡牀詣元帥府至則號標自治

代宗為之動色遂命傳至長安肅宗高其行因授館於

三司治所令從賊官囚慙拜之受汙者莫不俯伏仰歎

恨不即死於其地

孫曰慶緒強昇濟至東京至德二載十月元帥廣平王叔平東都濟起詣

軍門上謁徽遣詣京師上命館之於三司令受賊官爵者列拜之以媿其心以濟為秘書郎實應初拜禮部員

外郎且夫辨所從於居易之時堅直操於利亡之世而猶

褊淺選懷者之所不為蓋拂人之心難而害己之避深

也況乎天下亂矣王澤竭矣夫死忠者不必顯從亂者

不必誅而曰眷眷本朝甘心白刃難矣哉是以理平則

為公為卿世變則為虵為豕為鏡為梟者十嘗八九焉

若甄生冕弁不加於其身祿食不進於其口於天寶蓋

青巖之一男子耳及亂則延頸受刃分死不回不以不

必顯而廢忠不以不必誅而從亂參合古今之士皆百

一焉稹嘗讀注記

補注國史為注記

缺而未書謹備所聞蓋欲

執事者編此義烈以永永於來世耳子逢始生之歲

孫曰

大厯中濟卒于襄州有子曰逢

顏太師

補注顏真卿

崔太傅

補注崔祐甫

皆為歌

詩以美賢者之有後且序甄之本末云及逢既長耕先

人之舊田於襄之宜城

孫曰宜城縣楚昭王廟塋地廣九十畝濟立墅其左屏居厯年

卒

讀書為文不詣州里歲饉則力耕節用以給足親戚  
歲穰則施餘於其鄰里鄉黨之不能自持者前後斥家  
財排患難於朋友者數四由是以義聞襄之守狀為文  
學始就羈於吏職稔聞風既久因與之遊逢每寃其父  
之名不在於吏將欲抱其所寃詣京師告訴於司史氏  
盖行有日矣以愚料之甄子僕短馬疲言簡行孤得不  
為驕閹之所排訶則權力者疑誕以臨之固無自而入  
矣固曉生以自入之勢且告以執事者辱與稔遊願得

所寬之狀告甄生厚相信待由是輟行既而自思滓賤  
之中猶願貢所聞於執事得非愚且僭邪然而誚笑之  
暇幸垂察焉

### 荅元侍御書

集注公拜比部郎中史館修撰元稹以書言  
甄濟父子事丐公筆之於史公荅以此稹書  
見上嚴曰稹字微之實錄云元和九年十月  
甲子韓愈考功郎中依前史館修撰十二月  
戊午知制誥此書作九月  
五日蓋九年在史館時也

九月五日愈頓首微之足下前歲辱書論甄逢父濟

祝曰

甄姓也陳留風俗傳舜陶甄河濱其後為氏。甄音真識安祿山必反即詐為瘡棄

去祿山反有名號又逼致之濟死執不起卒不污祿山

父子事又論逢知讀書刻身立行勤已取足不干州縣

斥其餘以救人之急足下繇是與之交欲令逢父子名

迹存諸史氏足下以抗直歐本抗字作伉喜立事斥不得立朝

失所不自悔孫曰元和五年鎮以監察御史分司東都執政以其年少務作威福賤江陵府土曹

喜事益堅微之乎真安而樂之者謹詳足下所論載校

之史法若濟者固當得附書今逢又能行身幸於方州

大臣

方一作十

以標白其先人事

白一作目

載之天下耳目徹之

天子追爵其父第四品

孫曰元和八年正月以袁滋為襄州刺史山南東道節度使滋


辟逢為文學掾且表其父節行與權舉同科宜載國史詔曰存樹風節謂之立名沒加褒贈所以誘善故朝散大夫著作郎兼侍御史甄濟早以文雅見稱於時嘗因辟召亦佐戎府而能保堅貞之正性不履危機觀逆亂之僭萌不從脅汚義聲可傳於竹帛顯贈未責於松楸藩方所陳允叶彝典追加命秩以獎忠寬可贈秘書少監

赫然驚人逢與其父俱當得書矣濟逢父子自吾人

發春秋美君子樂道人之善夫苟能樂道人之善則天下

皆去惡為善善人得其所其功實大足下與濟父子俱

宜牽聯得書足下勉逢令終始其躬而足下年尚強嗣  
德有繼將大書特書屢書不一書而已也愈既承命又  
執筆以俟愈再拜



五百家注昌黎文集卷十八



欽定四庫全書

集部

五百家注昌黎文集卷

十九至  
二十一

詳校官通政使<sub>臣</sub>夢吉

檢討<sub>臣</sub>何思鈞覆勘

總校官檢討<sub>臣</sub>何思鈞

校對官主事<sub>臣</sub>陳墉

謄錄監生<sub>臣</sub>王錫壽

欽定四庫全書

五百家注昌黎文集卷十九

宋 魏仲舉 編

書序

與鄭餘慶相公書

韓曰時鄭相節制興元公誌孟東野墓云興元尹以幣如孟氏賻且來商家事即此書致謝之意

再奉示問皆緣孟家事

樊曰元和九年三月以鄭餘慶為興元尹餘慶辟孟郊參謀郊

學其妻行至閬鄉暴卒郊字東野

辭旨惻惻憂慮深遠竊有以見大人

君子篤於仁義終始不倦伏讀感歎音希不知所喻舊與

孟往還數人昨已共致百千已來尋已至東都計供葬

事外尚有餘資今裝押衙所送二百七十千足以益業

為遺孀永久之賴

樊曰是年十月葬郊其費皆出鄭相及東野舊往還者以其餘財贍給其

家郊無子妻鄭氏

孟氏兄弟

孫曰郊二弟鄭郢

在江東未至先與相識

亦甚循善所慮材幹不足任事鄭氏兄弟

樊曰東野之妻兄弟也

惟最小者在東都固如所示不可依仗孟之深友

一作孟氏

友之深

太子舍人樊宗師比持服

孫曰宗師居母喪

在東都今已

外除經營孟家事不啻如已前後人所與及裴押衙所

送錢物並委樊舍人主之

嚴曰墓誌云十月庚子樊子合凡贈賻而葬之以餘財付

其家供祀樊名宗師字紹述

營致生業必能不失利宜候孟氏兄弟

到分付成事庶可靜守無大闕敗伏望不至遠憂續具

一一咨報不宣愈再拜

### 與袁滋相公書

孫曰滋字德深蔡州朗山人時為節度使帶平章事故公云相公也公前書薦樊於鄭今

又薦於袁後狀薦

于朝皆見集中云

伏聞賓位尚有闕員

孫曰元和九年九月滋自山南東道節度使徙荆南

幸蒙不

以常輩知遇恒不自知愚且賤思有論薦竊見朝議郎

前太子舍人樊宗師

樊曰宗師字紹述時居母喪持服在東都除服公薦之於滋韓曰本

傳不載宗師為太子舍人墓誌亦不載或畧之耳

孝友聰明家故饒財身居長

嫡

孫曰貞元十四年九月宗師父山南東道節度使澤卒

悉推與諸弟

孫曰宗師弟宗懿宗

憲諸弟皆優贍有餘而宗師妻子常寒露飢餒宗師怡

然處之無有難色

孫曰宗師家饒財悉散施姻舊賓客妻子告不給宗師笑而不答窮

究經史章通句解至於陰陽軍法聲律悉皆研極原本

又善為文章詞句刻深獨追古作者為徒不顧世俗輕

重通微曉事可與晤語

與一作以

又習於吏職識時知變非

如儒生文士止有偏長退勇守專未為宰物者所識年

近五十遑遑勉勉思有所試閣下儻引而致之密加識

察有少不如所言愈為欺罔大君子便宜得棄絕之罪

於門下誠不忍竒寶橫棄道側而閣下篋櫝尚有闕少

不滿之處猶足更容輒冒言之退增汗懾

韓曰說文云懾失氣也質

涉謹狀

與鄂州柳公綽中丞書

韓曰公綽始自御史中丞出為湖南觀察使後徙鄂岳孫曰元和八年十月以公綽為御

史中丞充鄂岳沔

蕪安黃觀察使

淮右殘孽

嚴曰資治通鑑云元和九年閏八月吳少陽卒其子元濟自領軍務十年春縱兵侵掠騷

動東畿命顏武等十六道兵進討其後師久未有功五月上遣中丞裴度詣行營察用兵形勢退之與鄂州柳中丞二書計已與裴中丞相見行營事宜不

尚守巢穴

一作窟環寇之師殆且十萬瞋目語難

孫曰莊子曼胡之纓短後之衣瞋目

而語自以為武人不肯循法度頡頏作氣勢

頡頏結切胡江切

竊爵位自尊大者肩相摩地相屬也

屬連也之六切

不聞有一

人援桴鼓

祝曰桴鼓榘也左氏右援桴而鼓陸德明釋文引字林云擊鼓柄也○桴與枹同一作浮

誓衆而前者但日令走馬來求賞給

日一作月

助寇為聲勢

而已閣下書生也詩書禮樂是習仁義是修法度是束

一旦去文就武鼓三軍而進之

三一作六

陳師鞠旅

孫曰詩征伐

鼓陳師鞠旅注云二千五百人為師五百人為旅鞠告也

親與為辛苦慷慨感激同

食下卒將二州之牧以壯士氣

樊曰元和十年詔公綽以兵五千隸安州刺史

李聽討吳元濟公綽曰朝廷謂吾書生不知兵邪請自行許之引兵渡江抵安州聽以軍禮迎謁公綽謂曰以



公世將曉兵吾且欲署職以兵法從事聽曰唯命以都知兵馬使中軍先鋒行營都虞候三牒受之選卒六千屬聽戒其部將曰行營事一決都將聽被恩畏威遂盡力當時服其知權士卒家有疾病公綽厚給之人皆感喜故每戰皆捷

**斬所乘馬以祭蹠死之士**

祝曰蹠蹠也莊子怒則分背相蹠通俗文

云小蹠謂之蹠樊曰公綽所乘馬蹠殺圍人公綽命殺馬以祭或曰圍人不自備耳良馬可惜公綽曰材良性驚必殺之補注柳氏叙訓及新舊唐史並以殺馬為公綽為襄陽節度使時事司馬溫公考異正引公此書證之云乃鄂岳時事叙訓舊傳誤新史承之亦誤○蹠徒計徒兮二切一作蹄

**雖古名將何以**

**加茲此由天資忠孝鬱於中而大作於外動皆中於機會以取勝於當世而為戎臣師豈常習於威暴之事而**

樂其鬪戰之危也哉愈誠怯弱不適於用聽於下風竊  
自增氣誇於中朝稠人廣衆會集之中所以羞武夫之  
顏令議者知將國兵而為人之司命者孫曰孫子將  
者人之司命不  
在彼而在此也臨敵重慎誠輕出入良用自愛以副見  
慕之徒之心歐本無之  
徒二字而果為國立大功也幸甚幸甚  
不宣愈再拜

又一首

愈愚不能量事勢可否比常念淮右以靡弊困頓三州

之地

孫曰彰義節度使管申光蔡三州

蚊蚋蟻蟲之聚感兇豎煦濡飲

食之惠

孫曰兇豎吳元濟也其父少陽死時元濟年二十二莊子云魚相煦以濕相濡以沫○煦音訓

提童子之手坐之堂上奉以為帥出死力以抗逆明詔

戰天下之兵東機逐利四出侵暴屠燒縣邑賊殺不辜

環其地數千里莫不被其毒洛汝襄荊許潁淮江為之

騷然

孫曰元濟叛引兵屠舞陽焚葉縣攻掠魯山襄城汝許州及翟陽人多逃伏山谷間其為驅剽者千

餘里關丞相公卿大夫勞於國議握兵之將熊羆羆虎

之士

祝曰列子帥熊羆狼豹羆虎為前驅韓曰羆獸名說文羆獲似狸者○羆春居切

畏懦賊

踣

韓曰蹙踣足迫也上子六切下所六切

莫肯仗戈為士卒前行者獨閤

下能奮然率先揚兵界上將二州之守親出入行陣

行戶

郎切

與士卒均辛苦生其氣勢見將軍之鋒穎凜然有向

敵之意用儒雅文字章句之業取先天下武夫關其口

而奪之氣

關一作閉

愚初聞時方食不覺棄匕箸起立

蜀志劉備

為豫州牧從曹公還許曹公從容謂曰今天下英雄唯使君與操耳本初之徒不足數也先主方食失匕箸

豈以為閤下真能引孤軍單進與死寇角逐爭一旦僥

倖之利哉就令如是亦不足貴其所以服人心在行事

適機宜而風采可畏愛故也是以前狀輒述鄙誠眷惠

手翰還答益增欣悚

益字一作實一作伏

夫一衆人心力耳目使

所至如時雨

嚴曰荀子云仁人之兵所存者神所過者化若時雨之降莫不喜悅

三代用

師不出是道閣下果能充其言繼之以無倦得形便之

地甲兵足用雖國家故所失地旬歲可坐而得

歲一作序況

此小寇安足置齒牙間勉而卒之以俟其至幸甚幸甚

夫遠徵軍士行者有羈旅別離之思居者有怨曠騷動

之憂本軍有餽餉煩費之難地主多姑息形迹之患急

之則怨緩之則不用命浮寄孤懸形勢銷弱又與賊不

相諳委臨敵恐駭難以有功若召募

嚴曰退之論淮西事宜狀首言諸道

發兵或二三千人與賊不相諳委難便前進今聞陳許安唐汝壽等州與賊界連接處村落百姓悉有兵器小

小俘劫皆能自防識賊淺深護惜鄉里比來未有處分

猶願自備衣糧以討寇賊若今召募立可成軍若要添

兵自可取足賊平之後易使

歸農與此書所言之意正同土人必得豪勇與賊相熟

知其氣力所極無望風之驚愛護鄉里勇於自戰徵兵

滿萬不如召募數千

樊曰公此議詳見論淮西事宜狀

閣下以為如何

儻可上聞行之可否

一無可字

計已與裴中丞相見行營事

宜不惜時賜示及

樊曰憲宗元和十年五月遣御史中丞裴度視淮西行營觀用兵形勢還

奏攻取策多合上旨時鎮州節度王承宗淄青節度李師道謀緩蔡兵遣盜刺殺宰相武元衡又刺度傷首而免議者欲罷度安二鎮上怒曰若罷是賊計行遂拜度為相以主東兵其後討蔡不利羣臣請罷兵獨公與度意合獻淮西事宜宰相不便公降為右庶子十二年八月公卒從度于蔡十月執元濟淮西遂平公綽則被讒十一年為李道古代還矣  
平蔡之功不與也惜夫 幸甚不宣愈再拜

答魏博田弘正僕射書

韓曰弘正初名興為魏博節度田季安兵馬使季安卒子懷諫立委政家奴衆脅弘正使之軍務於是弘正與之約圖魏博貝衛澶相之地籍其人以獻于朝憲宗嘉之詔嗣立為

節度使元和七年  
也八年賜今名

季冬極寒伏惟僕射

樊曰元和九年弘正拜檢校尚書右僕射本傳略之見李吉甫傳

尊體動止萬福

動止一作起居

即日愈蒙恩改職事

樊曰按憲宗實錄元

和九年公以考工郎中知制誥

不任感懼使至奉十一月十二日示問

嚴曰此荅田弘正書言奉十一月十二日示問又言頃者又蒙不以鄙薄令撰廟碑今以碑攷之云元和八年則此書亦在

欣慰殊深贊善十一郎行

孫曰弘正子布肇肇卓年章

已曾附狀伏計尋上達愈雖未獲拜識嘗承僕射眷私

猥辱薦聞

韓曰猥并雜也鄒梅切

待之上介事雖不允受賜實多



頃者又蒙不以文字鄙薄令撰廟碑

樊曰元和八年十一月公以比部郎

中史館修撰奉詔為弘正作先廟碑

見遇殊常荷德尤切安有書問稍簡

遂敢自疎比所與楊書記書蓋緣久闕附狀

一有求字

因問

一作開

粗述下情忽奉累紙示問辭意重疊捧讀再三但

增慙悚僕射公忠賢德為內外所宗位望益尊謙巽滋甚謬承知遇欣荷實深伏望照察恨以官守拜奉末由無任馳戀謹因使迴奉狀不宣謹狀

與華州李尚書書

補注李尚書名絳或作李實尚書者非是嚴  
曰李尚書即李絳耳絳退之同年進士以元  
和六年冬同平章事九年春罷為禮部尚書  
十年春檢校戶部尚書出為華州刺史潼關  
防禦鎮國軍使書云乍離  
闕庭則此書在十年也

日來

一作  
比來

不審尊體動止何似乍離闕庭

孫曰元和十  
年以禮部尚

書李絳為華州刺史  
潼關防禦鎮國軍使

伏計培增戀慕愈於久故游從之

中伏蒙恩獎知待最深最厚

韓曰絳與公同年故相好  
如此嚴曰絳為相擢退之

為太史故云於久故遊從  
之中蒙知待最深最厚

無有比者

一作  
倫

懦弱昏塞不

能奮勵出奇少答所遇拜辭之後竊念旬朔不即獲侍

言笑東望隕涕有兒女之感獨宿直舍

樊曰公時以考工郎中知制誥

無可告語展轉歔歔不能自禁華州雖實百郡之首重  
於藩維然閣下居之則為失所愚以為苟慮有所及宜  
密以上聞不宜以疎外自待接過客俗子絕口不掛時  
事務為深崇以拒止嫉妬之口親近藥物方書動作步  
趨以致和宣滯為國自愛鄙陋拳拳之心幸甚幸甚  
謹奉狀不宣愈再拜

答友人論京尹不臺參書

韓曰長慶三年六月以公為京兆尹兼御史大夫敕放臺參後不得為例一本題作京尹

不臺參答

友人書

所示情眷之至不勝悚荷臺參實奏云容桂觀察使帶

中丞一無使字尚不臺參京尹郡國之首所管神州赤縣官

帶大夫豈得却不如事須臺參聖恩以為然便令宣與

李紳不用臺參亦是何典故亦令尚與中丞分道而行

何況京尹洪曰按魏氏春秋云故事御史中丞與洛陽令相遇則分路而行以事主多逐捕不欲稽

留然非唐制也順宗實錄云故事尹與御史相遇尹下道避尹尚避御史豈有不臺參之理當時敕放臺參後

不為例則知故事須臺參也。○唐本事須臺參下云亦是何典故赤令尚與中丞分道而行何況京尹聖恩以為然便令宣與李紳不用臺參今本顛倒不可讀當從唐本 夫人見近事習耳目所

熟一無夫字稍殊異即怪之其於道理有何所傷聖君使行

即是故事自古豈有定制也樊曰時宰相惡御史中丞李紳欲逐之特詔公不臺

參以激紳紳果劾奏公公以詔自解文刺紛然宰相以臺府不協遂罷公為兵部侍郎而出紳為江西觀察使紳朝辭泣訴帝復留紳為兵部侍郎公復為吏部按貞元十八年公為四門博士時薦士十人於陸儔李紳在焉紳昧其平昔之薦而劾公公既不言而世亦未有辨之者又謂公處紳以附逢吉獨王黃州答丁晉公書以謂曲在紳 停推巡孫曰謂巡推官也 緣府中褊迫是實若別差

蓋公論也

人即是妄說豈有此事小人言不可信類如此亦在大  
賢斟酌而斷之流言止於智者孫曰荀子流言止於  
既史流言止於智者正  
謂此耳客多不及自修報伏惟照察

送陸歙州慘序

并詩

貞元十八年二月十八日祠部員外郎陸君出刺歙州

孫曰陸慘字公佐吳郡人貞元十六年召為祠部員外  
郎十八年執事者上言其才請為劇曹會東方守臣表

二千石之缺上乃朝廷夙夜之賢孫曰詩三事大  
夫莫肯夙夜都邑

游從之良

從一作居齋咨涕洟孫曰易革卦之辭齋咨嗟歎  
之聲自目曰涕自鼻曰洟

齊將西切

咸以為不當去歛大州也刺史尊官也由郎官而

往者前後相望也當今賦出於天下江南居十九宣使

之所察

孫曰宣歙池三州觀察使治宣州

歛為富州宰臣之所薦聞天

子之所選用其不輕而重也較然矣如是而齎咨涕洟

以為不當去者陸君之道行乎朝廷則天下望其賜刺

一州則專而不能或謂先一州而後天下

或一作咸

豈吾君

與吾相之心哉於是昌黎韓愈道願留者之心而泄其

思

泄據也

作詩曰

我衣之華兮

華一作美

我佩之光

一有兮字

陸君之去兮誰與翔

翔

一有兮字

斂此大惠兮施于一州今其去矣

矣一作兮

胡不為

留

為去聲

我作此詩歌於遠道

孫曰遠大道也爾雅九遠謂之遠

無疾其

驅天子有詔

黃曰是歲四月二十八日慘末至州卒于道

### 送孟東野序

孫曰東野名郊貞元十二年登第間四年調昇州溧陽尉

大凡物不得其平則鳴草木之無聲風撓之鳴水之無聲風蕩之鳴其躍也或激之其趨也或梗之其沸也或



矣之金石之無聲或擊之鳴人之為言也亦然有不得

已者而後言其歌也有思有哭也有懷凡出乎口而為

聲者

為一作有

其皆有弗平者乎樂也者鬱於中而泄於外

者也擇其善鳴者而假之鳴金石絲竹匏土革木八者

物之善鳴者也維天之於時也亦然擇其善鳴者而假

之鳴是故以鳥鳴春

一作以鳥獸鳴春

以雷鳴夏以蟲鳴秋以

風鳴冬四時之相推歟

祝曰推歟強取也廣韻引古周書歟據矯虔歟古奪字一作奪

其必有不得其平者乎其於人也亦然人聲之精者為

言文辭之於言又其精也尤擇其善鳴者而假之鳴其

在於唐虞

一無於字

咎陶禹

咎或作臯

其善鳴者也而假之以鳴

夔弗能以文辭鳴又自假於韶以鳴夏之時五子以其

歌鳴伊尹鳴殷周公鳴周凡載於詩書六藝皆鳴之善

者也周之衰孔子之徒鳴之其聲大而遠傳曰天將以

夫子為木鐸

嚴曰古者有文事振木鐸武事振金鐸天將以夫子為木鐸言使之振文教於天下

也楊子雲所謂金口而木舌是也

其弗信矣乎其末也莊周以其荒唐

之辭鳴於楚

歐本無於楚二字嚴曰莊子疏云荒唐廣大也夫荒者大而不治兔絲別名兔絲無

根以況言之無根也莊子著書三十三篇其道以老聃為宗蓋有意乎救道德之本至若盜跖漁父雖若詆訾孔子然其終篇論古之道術乃自廁於諸子之列而孔子不與焉則其尊吾聖人也至矣

楚大國也

其亡也以屈原鳴

屈九勿切

臧孫辰

孫曰臧文仲名辰魯大夫

孟軻荀卿

以道鳴者也楊朱墨翟管夷吾晏嬰老聃申不害

孫曰申不

害韓昭侯相

韓非春到

祝曰春到

田

騏

孫曰騏齊人著書二十五篇居稷下號大口騏○騏蒲眠切

鄒衍

孫曰衍居稷下著書四十九篇

號諱

尸佼

祝曰佼魯人商君師之鞅死入蜀著書二十篇號尸子死因葬蜀○佼古爻切又音絞

孫武

嚴曰武吳人著書十三篇言兵法

張儀蘇秦之屬皆以其術鳴秦

之興李斯鳴之漢之時司馬遷相如揚雄最其善鳴者

也其下魏晉氏鳴者不及於古然未嘗絕也就其善鳴

者其聲清以淳

洪曰舊本淳字作淳當從舊本

其節數以急其辭淫以

哀其志弛以肆其為言也亂雜而無章

補注章法度也

將天醜

其德莫之顧邪何為乎不鳴其善鳴者也唐之有天下

陳子昂

樊曰子昂梓州射洪人

蘇源明

孫曰源明字弱夫京兆武功人肅宗時官秘書少監

元結李白杜甫李觀皆以其所能鳴

樊曰文章之盛三代以還無出漢唐

而漢四百年司馬相如為之唱唐三百年子昂為之唱公於文章少所推可而每論漢唐未嘗不以二人為稱

首其存而在下者孟郊東野東野始以其詩鳴

一無東野二字

其高出魏晉

一作晉魏

不懈而及於古其他浸淫乎漢氏矣

從吾遊者李翱張籍其尤也三子者之鳴信善鳴矣抑

不知天將和其聲而使鳴國家之盛邪將窮餓其身思

愁其心腸而使自鳴其不幸邪三子者之命則懸乎天

矣其在上也奚以喜其在下也奚以悲東野之役於江

南也

嚴曰蓋為漂陽尉時也

有若不憚者然

一作不釋然者

故吾道其命

於天者以解之

送許郢州志雍序

韓曰志雍安陸人貞元九年登第十八年刺郢州時于頓節制山南郢為屬邑頓敎民方急故韓公因志雍行序以規之

愈嘗以書自通於于公頓

孫曰頓字允元貞元十四年九月為山南東道節度使○

頓音迪

累數百言其大要也

一無也字

言先達之士得人而託

之則道德彰而名聞流後進之士得人而託之則事業

顯而爵位通下有矜乎能上有矜乎位雖恒相求而不

相遇

一作而喜不相遇

于公不以其言為不可復書曰足下之

言是也于公身居方伯之尊蓄不世出之材

一無出字

而能

與卑鄙庸陋相應答如影響是非忠乎君而樂乎善以

國家之務為己任者乎愈雖不敢私其大恩抑不可不

謂之知己恒矜而誦之情已至而事不從

孫曰事不從者謂不能卒

言之也

小人之所不為也故於使君之行道刺史之事以

為于公贈凡天下之事成於自同而敗於自異為刺史

者恒私於其民不以實應乎府

孫曰府謂觀察府

為觀察使者

恒急於其賦而不以情信乎州

一有縣字縣一作緜

是刺史不安

其官觀察使不得其政財已竭而斂不休人已窮而賦  
愈急其不去為盜也亦幸矣誠使刺史不私於其民觀  
察使不急於其賦刺史曰吾州之民天下之民也惠不  
可以獨厚觀察使亦曰某州之民天下之民也斂不可  
以獨急如是而政不均令不行者未之有也其前之言  
者于公既已信而行之矣既一作即今之言者其有不信乎  
縣之於州猶州之於府也有以事乎上有以臨乎下同  
則成異則敗者皆然也非使君之賢其誰能信之信一作從



愈於使君非燕遊一朝之好也故其贈行不以頌而以

規

一有也字

送竇平從事序

韓曰竇平貞

元五年登第

踰甌閩而南皆百越之地

孫曰甌今温州閩今泉州皆古百越之地。越一作粵

於天文其次星紀

孫曰次謂十二次自南斗十二度至須女七度為星紀於辰為丑吳越之

分其星牽牛

孫曰漢地理志越地牽牛婺女之分野

連山

嚴曰連州西南百五十里有黃

連嶺隋文

因此名州隔其陰鉅海敵其陽

補注陰陽言南北也。敵一作敵非或作敵

是皆島夷卉服之民

孫曰島夷卉服禹貢之文海曲謂之島卉服草服葛越之類○皆一

作維夷一作居

風氣之殊著自古昔唐之有天下號令之所加

無異於遠近民俗既遷風氣亦隨雪霜時降癘疫不興

疫一作疾

瀕海之饒

瀕水涯毗實切

固加於初是以人之於南海者

之於一作之如東西州焉皇帝臨御天下二十有二年

洪曰德宗大厯

十四年即位至貞元十六年凡二十二年

詔工部侍郎趙植為廣州刺史

孫曰

貞元十七年以工部侍郎趙植充嶺南節度使

盡收南海之民

一作收

署從事扶

風竇平

孫曰平扶風平陵人貞元五年登第

平以文辭進於是行也

是一作其

其族人殿中侍御年

樊曰年字昭周貞元二年登第

合東都交遊之能

文者

孫曰年為東都留守判官時公自徐州休居于洛

二十有八人賦詩以贈

之於是昌黎韓愈嘉趙南海之能得人壯從事之答於

知已不憚行於遠也

趙云不憚我於行遠也

又樂貽周之愛其族

叔父能合文辭以寵榮之作送竇從事少府平序

### 上巳日燕太學聽彈琴詩序

孫曰鄭國之俗三月上巳於溱洧水上執蘭招魂自魏以後但用三日不用上巳韓曰時

公為四門博士

作此序

與衆樂之之謂樂樂而不失其節

舊本節字作正

又樂之尤也

尤一作光四方無鬪爭金革之聲京師之人既庶且豐天子

念致理之艱難樂安居之閒暇肇置三令節

洪曰舊史云貞元四

年九月詔正月晦日三月三日九月九日三節日宜任文武百僚選勝地追賞為樂五年正月詔以二月一日為中和節代正月晦日備三令節數此序在貞元壬午癸未間公為四門博士其云肇置三令節蓋謂德宗朝始置耳○一本止云肇置令節非

詔公卿羣有司至于其日率厥官屬

飲酒以樂所以同其休宣其和感其心成其文者也三

月初吉實惟其時司業武公少儀

韓曰少儀大歷二年登第

於是摠

太學儒官三十有六人列燕于祭酒之堂罇俎既陳肴

羞惟時醖斚序行

醖阻限切斚古馬切  
舊本序行作有序

獻酬有容歌風

雅之古辭斥夷狄之新聲褒衣魏冠愉愉如也

趙本作  
與與如

也有一儒生魁然其形抱琴而來歷階而升坐于罇俎

之南鼓有虞氏之南風

樊曰按家語孔子云昔者舜彈  
五絃琴造南風之詩詩曰南風

之薰兮可以解吾民之愠兮南風之時兮可以阜  
吾民之財兮孫曰禮記舜作五絃之琴以歌南風

賡之

以文王宣父之操

樊曰史記孔子學琴於師襄子曰丘  
得其為人黯然而黑幾然而長眼如

望羊心如王四國非文王其誰能為此也師襄子避席曰  
師蓋云文王操也其曰宣父操按琴操如將歸猗蘭龜

山皆孔子所作也孫曰琴操者  
謂困阨而不失其操也廣續也優游夷愉廣厚高明追

三代之遺音想舞雲之詠歎

孫曰舞雩請雨之壇在沂水之側嚴曰論語云風乎

舞雩詠而歸今闕里宣聖廟西南一里有壇曰雩周圍八十步高二丈臨沂水即浴乎沂風乎舞雩之地也

及暮而退皆充然若有所得也武公於是作歌詩以美之命屬官咸作之命四門博士昌黎韓愈序之

### 送齊暉下第序

樊曰按序云齊生之兄為時名相出藩于鎮謂齊映也以世系考之映兄弟六人昭眈映暉照照無有暉者豈暉後改名暉或照耶○諸本或作齊暉或作齊曙

古之所謂公無私者其取捨進退無擇於親疎遠邇惟其宜可焉其下之視上也亦惟視其舉黜之當否不以親疎遠邇疑乎其上之人也

一無之人二字一無之人也三字

故上之

人行志擇誼坦乎其無憂於下也下之人尅已慎行確乎其無惑於上也是故為君不勞而為臣甚易見一善

焉可得詳而舉也

一無詳字

見一不善焉可得明而去也

去口

舉切一無明字

及道之衰上下交疑於是乎舉讎舉子之事載

之傳中而稱美之謂之忠

集注襄三年左氏晉祁奚請老晉侯問嗣焉稱解狐其讎

也將立之而卒又問焉對曰午也可午祁奚子也於是使羊舌職死矣晉侯曰孰可以代之對曰赤也可於是使祁午為中軍尉羊舌赤佐之君子謂祁奚能舉善矣稱其讎不為諂立其子不為比舉其偏不為黨其後范宣子殺羊舌虎叔向虎之兄也因之叔向曰祁大夫外舉不棄讎內舉不失親其獨遺我乎於是祁奚聞之見宣子而免之祁奚不見叔向而歸叔向亦不告免焉見一善焉若親與邇不敢舉

也見一不善焉若疎與遠不敢去也衆人之所同好焉

矯而黜之乃公也衆人之所同惡焉激而舉之乃忠也

於是乎有違心之行有怫志之言

祝曰怫鬱也莊子謂已諛人則怫然作色

○怫音弗

有內媿之心若是者

是一作然

俗所謂良有司也膚受



之訴不行於君

孫曰膚受者如膚受塵垢久之乃見

巧言之誣不起於人

矣嗚呼今之君天下者不亦勞乎為有司者不亦難乎

難一作艱

為人向道者

向一作嚮

不亦勤乎是故端居而念焉

焉一作焉

之作非君人者之過也則曰有司焉則非有司之過也則

曰今舉天下人焉則非今舉天下人之過也蓋其漸有

因其本有根生於私其親

一作生於私其所親

成於私其身以已

之不直而謂人皆然其植之也固久其除之也實難非

百年必世

孫曰論語必世而後仁

不可得而化也非知命不惑不

可得而改也已矣乎其終能復古乎若高陽齊生者其

起予者乎齊生之兄為時名相出藩于鎮

韓曰貞二年正月齊映

拜相明年正月貶夔州徙衡州久之為桂管江西兩觀察使十一年七月卒。一無鎮字

南朝之碩

臣皆其舊交齊生舉進士有司用是連枉齊生齊生不

以云乃曰我之未至也有司豈枉我哉

豈一作其

我將利吾

器而俟其時耳抱負其業東歸於家吾觀於人有不得

志則非其上者衆矣亦莫計其身之短長也若齊生者

既不得志矣

一云既至矣  
一云既屈矣

而曰我未至也不以閔於有

司

孫曰禮記儒有不累長上不問有司注閔病也

其不亦鮮乎哉吾用是知齊

生後日誠良有司也能復古者也公無私者也知命不

惑者也

樊曰按登科記映大歷五年昭貞元十年暉十一年煦元和二年踵登進士第而暉亡焉

### 送陳密序

太學生陳密請於余曰密承訓於先生今將歸覲其親

覲一作拜

不得朝夕見願先生賜之言密將以為戒密來太

學舉明經者累年不獲其選是弗利於是科也今將易

業而三禮是習

樊曰唐制取士有明經科而明經之別有五經有三經有二經有三禮有三傳

有史科凡禮記春秋左氏傳為大經詩周禮儀禮為中經易尚書春秋公羊傳為小經。孫曰三禮科貞元五年二月置。願先生之張之也密將以為鄉榮余媿乎其言遺

之言曰子之業信習矣其儀容信合於禮矣抑吾所見者外也夫外不足以信內子誦其文則思其義習其儀則行其道則將謂子君子也爵祿之來也不可辭矣科寧有利不利邪

### 送李愿歸盤谷序

樊曰貞元十七年作時公年三十四脫汴徐之亂來居洛方且求官京師鬱於中而見於

外故其辭如此東坡云歐陽公言晉無文章  
唯陶淵明歸去來一篇而已余亦謂唐無文  
章惟韓退之送李愿歸盤谷序一篇而已平  
生欲效此作一篇每執筆輒罷因自笑曰不  
若且放教退之獨步補注此序孟州濟原有  
石本其間異同當以石本為正今文注其下

太行之陽有盤谷

孫曰太行山名在懷州陽南也盤谷地名在孟州濟原縣

盤谷之

間泉甘而土肥草木叢茂居民鮮少或曰謂其環兩山

之間故曰盤或曰是谷也宅幽而勢阻

宅處也

隱者之所

盤旋友人李愿居之愿之言曰人之稱大丈夫者我知

之矣利澤施於人

於一作干

名聲昭于時坐于廟朝進退百

官而佐天子出令其在外則樹旗旄

孫曰旄旗類以髦牛尾注於竿首故

因以爲名

羅弓矢武夫前呵從者塞塗供給之人各執其物

物謂各操持者

夾道而疾馳喜有賞怒有刑才峻滿前

峻今本作俊

道古今而譽盛德

而今本作以

入耳而不煩曲眉豐頰清聲

而便體

便安也毗連切

秀外而惠中飄輕裾

裾領也

翳長袖粉白

黛綠者列屋而閒居妬寵而負恃爭妍而取憐大丈夫

之遇知於天子

今本作主上

用力於當世者之爲也

今本作之所爲

也吾非惡此而逃之是有命焉不可幸而致也窮居而

野處升高而遠望

今作望遠

坐茂樹以終日濯清泉以自潔

採於山美可茹

茹食也

釣於水鮮可食

孫曰老子治大國若烹小鮮鮮小魚

起居無時惟適所安

今本作之安

與其譽於前

一作與其有譽於前

孰

若無毀於其後與其樂於身

一作與其有樂於身

孰若無憂於其心

車服不維

維繫也

刀鋸不加理亂不知黜陟不聞大丈夫

不遇於時者之所為也我則行之伺候於公卿之門奔

走於形勢之途足將進而趨趨

韓曰趨起行不進貌孫曰趨起蹶踏也○上七

思切下七余切

口將言而囁嚅

祝曰楚詞喜囁嚅而妄作注囁嚅小語謀私貌廣韻作多言非

孫曰囁嚅不敢出口也。上之舌切又而舌切下女居切又音如

處污穢而不羞觸刑辟

而誅戮僥倖於萬一老死而後止者其於為人賢不肖

何如也昌黎韓愈聞其言而壯之與之酒而為之歌曰

盤之中維子之宮盤之土

一作下

維子之稼

一作可稼可穡一作可稼

可食盤之泉可濯可湘

祝曰釋文湘烹也采蘋于以湘之○可湘一作而沿一作可沿一作

可遊盤之阻

阻屈折也

誰爭子所窈而深廓其有容

窈於飛切繚而

曲如往而復嗟盤之樂兮樂且無央

今本作殃

虎豹遠跡兮

蛟龍遁藏鬼神守護兮呵禁不祥

孫曰不祥謂魑魅之屬○禁一作禦

飲



且食兮

且一作則

壽而康

一作既壽而康

無不足兮奚所望

音

膏吾

車兮

膏音告

秣吾馬從子于盤兮終吾生以徜徉

韓曰徜徉徘徊

也孫曰博雅云徜徉戲蕩也○上辰羊切音常下余章切音羊

唐人跋盤谷序後

隴西李愿隱者也不干譽以求達每韜光而自晦跡

寄人世心游

闕

清樂人智於

闕

之間信古今一時也

昌黎韓愈知名之士高愿之賢故叙而送之于

闕

縣

大夫博陵崔俠披其文稽其實是用命工勒石于谷

之西偏以旌不朽云唐貞元辛巳歲建丑月渤海高

從

闕一字。樊曰按貞元十七年歲在辛巳歐陽公集古錄云當時退之官尚未顯其道未為當時所

宗師故但云知名士然當時送應者為不少而獨刻此序蓋其文章已重於時也

五百家注昌黎文集卷十九

欽定四庫全書

五百家注昌黎文集卷二十

宋 魏仲舉 編

序

送牛堪登第序

韓曰公時為四門博士  
堪為太學生見本篇

以明經舉者誦數十萬言又約通大義徵辭引類旁出入他  
經者又誦數十萬言

樊曰唐制取士之科有明經而明經之  
別有五經三經二經凡禮記春秋左氏

傳為大經詩周禮儀禮為中經易尚書春秋公羊穀梁二傳為小經孝經論語皆兼通之凡明經先貼文然後曰試經問大義十條答時務策三道其為業也勤矣登第於有司者去民畝而就美

祿由是進而累為卿相者常常有之其為獲也亦大矣然吾未嘗聞有登第於有司而進謝於其門者豈有司之待之也

一有御字  
御一作抑

以公不以情舉者之望於有司也亦將然乎其進

而謝於門也則為私乎抑無乃人事之末思或有不能舉其禮乎若牛堪者思慮足以及之材質足以行之而又不聞其往者其將有以哉違衆而求識衆一作俗立奇而取名非堪心之

所存也由是而觀之若堪之用心其至於大官也

於一作爲

不為幸矣堪太學生也余博士也博士師屬也於其登第而歸將榮於其鄉也能無說乎

### 送董邵南遊河北序

樊曰邵南壽州安豐人舉進士不得志去遊河北公作此送之公詩有嗟哉董生行亦為邵南作也

燕趙古稱多感慨悲歌之士

孫曰謂荆軻高漸離之屬

董生舉進士

連不得志於有司懷抱利器

孫曰利用之材也

鬱鬱適茲土吾

知其必有合也董生勉乎哉夫以子之不遇時苟慕義

彊仁者皆愛惜焉矧燕趙之士出乎其性者哉

一作出乎其性

情者哉

然吾嘗聞

一作吾嘗所聞

風俗與化移易吾惡知其今不

異於古所云

孫曰古所云即上所云也○云一作聞

聊以吾子之行卜之

也董生勉乎哉吾因子有所感矣為我弔望諸君之墓

樊曰樂毅去燕之趙趙封於觀津號曰望諸君張華云望諸君家在邯鄲西數里

而觀於其市

復有昔時屠狗者乎

樊曰史記荆軻至燕愛燕之屠狗者高漸離軻嗜酒日與屠狗飲于

燕市酒酣以往歌於市中已而相泣旁若無人者

為我謝曰明天子在上可以

出而仕矣

贈崔復州序

樊曰此序與送  
許郢州同意

有地數百里趨走之吏自長史司馬已下數十人

孫曰  
長史

司馬刺史之佐唐制每州刺史而下長史一人司馬一人

其祿足以仁其三族

孫曰  
仁惠

利也張晏注漢書云三族父母兄弟妻也如淳云父族母族妻族

及其朋友故舊樂乎

心則一境之人喜不樂乎心則一境之人懼大丈夫官  
至刺史亦榮矣雖然幽遠之小民其足跡未嘗至城邑



祝曰城邑郡邑也

苟有不得其所能自直於鄉里之吏者鮮矣

孫曰鄉里之吏謂里胥之屬

況能自辯於縣吏乎能自辯於縣吏者鮮

矣況能自辯於刺史之庭乎由是刺史有所不聞小民

有所不宣

孫曰不宣謂不得自宣達也

賦有恒而民產無恒

恒常也胡登切

水旱癘疫之不期

孫曰不期不可期也

民之豐約懸於前

前一作州縣

縣令不以言連帥不以信

孫曰禮記十國以為連連有帥連帥即節度使之任也

民就窮而斂愈急吾見刺史之難為也崔君為復州其

連帥則于公

樊曰郢復在唐悉隸山南東道公送許郢州及此崔復州二序皆言及于公于公名

頤字允元時為山南東道節度使嚴曰上于襄陽書  
在貞元十八年則送許郢州崔復州序皆在此時也愈

以為崔君之仁足以蘇復人于公之賢足以庸崔君

孫曰

庸信用也有刺史之榮而無其難為者將在於此乎愈嘗辱

于公之知而舊游于崔君慶復人之將蒙其休澤也於  
是乎言

### 贈張童子序

韓曰唐制取士有童子

科公此序言之甚詳

天下之以明二經舉於禮部者歲至三千人始自縣考

試定其可舉者然後升於州若府其不能中科者不與是數焉州若府總其屬之所升又考試之如縣加察詳焉定其可舉者然後貢於天子而升之有司其不能中科者不與是數焉謂之鄉貢有司者摠州府之所升而考試之加察詳焉第其可進者以名上於天子而藏之屬之吏部歲不及二百人謂之出身能在是選者厥惟艱哉二經章句僅數十萬言其傳注在外皆誦之又約知其大說繇是舉者或遠至十餘年然後與乎三千之

數而升於禮部矣又或遠至十餘年然後與乎二百之

數而進於吏部矣斑白之老半焉

一無之老二字一作斑白者半焉

昏

塞不能及者皆不在是限有終身不得與者焉張童子

生九年自州縣達禮部一舉而進立於二百人之列又

二年益通二經有司復上其事繇是拜衛兵曹之命

孫曰

衛謂左右衛兵曹謂兵曹參軍

人皆謂童子耳目明達神氣以靈余亦

偉童子之獨出乎等夷也童子請於其官之長隨父而

寧母歲八月自京師道陝南至虢東及洛師

師一作陽

北過

大河之陽九月始來反鄭

反一作及

自朝之文人以及五都

之伯長郡縣

郡縣一作羣吏一作郡吏

皆厚其餼賂或作歌詩以嘉

童子童子亦榮矣

此句一無童子字

雖然愈將進童子於道使人

謂童子求益者非欲速成者

嚴曰論語云闕黨童子將命或問之益者歟曰非求

益者欲速成者也

夫少之與長也異觀少之時人惟童子之異

及其長也將責成人之禮焉成人之禮非盡於童子所

能而已也然則童子宜暫息乎其已學者而勤乎其未

學者可也愈與童子俱陸公之門人也

樊曰貞元八年兵部侍郎陸贄

知貢舉公登第時  
童子升於禮部

慕回路二子之相請贈行與處也

樊曰

禮檀弓子路去魯謂顏淵曰何以贈我曰吾聞之也去國則哭于墓而後行反其國不哭展墓而入謂子路曰何以處我子路曰吾聞之也過墓則式過祀則下其曰回路二子之相請贈行與處也謂此○行一作出故

有以贈童子

### 送浮屠文暢師序

韓曰公時為四門博士作後有詩送文暢師北遊其略云昔在四門館晨有僧來謁謂僧當少安草序頗排許蓋謂此也

人固有儒名而墨行者問其名則是校其行則非可以

與之遊乎如有墨名而儒行者問其名則非校其行則

是可以與之遊乎揚子雲稱在門牆則揮之在夷狄則

進之

孫曰揚子或問人有倚孔子之牆絃鄭衛之聲誦韓莊之書則引諸門乎曰在夷狄則引之倚門牆

則魔之

吾取以為法焉

一有浮屠師三字

文暢喜為文章其周遊

天下凡有行

一作有所行

必請於縉紳先生以求詠歌其所

志貞元十九年春

嚴曰文暢是時將往東南退之作序送之其後元和初北遊又作詩以送

之所謂昔在四門館時有僧來謁即序貞元十九年事也

將行東南柳君宗元為之

請

一作詩一作序韓曰柳集有送文暢師序無詩

解其裝

裝行囊也

得所叙詩累百

餘篇非至篤好其何能致多如是邪惜其無以聖人之

道告之者

告下一無之字

而徒舉浮屠之說贈焉夫文暢浮屠

也如欲聞浮屠之說當自就其師而問之何故謁吾徒

而來請也彼見吾君臣父子之懿

懿美也

文物禮樂之盛

其心必有慕焉拘其法而未能入故樂聞其說而請之

如吾徒者宜當告之以二帝三王之道

一無當字

日月星辰

之所以行

行運

天地之所以著鬼神之所以幽

幽謂暗也

人

物之所以蕃江河之所以流而語之不當又為浮屠之



說

為一作就

而瀆告之也

孫曰易曰再三瀆瀆則不告○告工毒反

民之初生

曰

此下一段與原道篇意同

固若禽獸蠻貊然聖人者立然後知宮居

而粒食親親而尊尊生者養而死者藏

藏也

是故道莫

大乎仁義

大乎一作過於

教莫正乎禮樂刑政

正一作大

施之於天

下萬物得其宜措之於其躬體安而氣平堯以是傳之

舜舜以是傳之禹禹以是傳之湯湯以是傳之文武文

武以是傳之周公孔子書之於冊

孫曰冊謂六經

中國之人世

守之今浮屠者孰為而傳之邪

為下一有之字

夫鳥俛而啄仰

而四顧夫獸深居而簡出懼物之為已害也猶且不脫

焉

脫一作免

弱之肉彊之食

補注言弱者之肉強者所食

今吾與文暢安

居而暇食優游以生死與禽獸異者寧可不知其所自

邪

補注溫公通鑑曰元和十四年迎佛骨至京師刑部侍郎韓愈上表切諫貶潮州自戰國之世老莊與儒

者爭衡更相是非至漢末益之以佛然好者尚寡晉宋以來日益繁熾自帝王至於士民莫不尊信下者畏慕罪福高者論難空有獨愈惡其蠹財惑衆力排之其言多矯激太過惟送文暢師序最得其要曰夫鳥俛而啄云云至寧可不

知其所自邪

夫不知者非其人之罪也知而不為者

惑也悅乎故不能即乎新者弱也

弱一作溺

知而不以告之

者

告之一  
作告人

不仁也告而不以實者不信也余既重柳請

詩

一作

又嘉浮屠能喜文辭於是乎言

### 送楊儀之支使歸湖南序

孫曰貞元十八年九月以太常少卿楊憑為御史中丞湖南觀察使憑奏辟儀之為觀察支使韓曰貞元二十年公在陽山作解見第一卷別知賦

余在京師時嘗聞當今藩翰之賓客

孫曰詩价人維藩  
太宗維翰藩翰即

謂藩  
鎮

惟宣州為多賢與之游者二人焉隴西李博清河

崔羣

孫曰貞元十二年八月以虢州刺史崔衍為宣歙觀察使衍辟羣博為從事樊曰羣博公同年進士

羣與博之為人吾知之道不行於主人

於下一有其字

與之處

者非其類雖有享之以季氏之富

孫曰論語季氏富於周公齊景公待孔子

曰若季氏則吾不能以季孟之間待之

不一日留也以羣博論之凡在宣

州之幕下者雖不盡與之遊皆可信而得其為人矣愈

未嘗至宣州而樂頌其主人之賢者以其取人信之也

今中丞之在朝

嚴曰中丞乃楊憑也

愈日侍言於門下

侍一作侍一無言字

其來而鎮茲土也

一無而字鎮一作領

有問湖南賓客者愈曰知

其客可以信其主者宣州也知其主可以信其客者湖

南也去年冬奉詔為邑於陽山

孫曰貞元十九年十二月公貶連州陽山令

然後得謁湖南之賓客於幕下於是知前之信之也不

失及儀之之來也聞其言而見其行

趙本云謁湖南之賓客於幕下及支

使之來也聞其言而信其行於是知前之信則向所謂

之也不失矣○一無於是知已下二十四字

向下一有之字

於吾何先後焉

一無於字

儀之智足以造

謀材足以立事忠足以勤上惠足以存下而又侈之以

詩書六藝之學先聖賢之德音以成其文以輔其質宜

乎從事於是府而流聲實於天朝也夫樂道人之善以

勤其歸者

勤一作勤

乃吾之心也

一有非文則不能五字

謂我為邑長

於斯而媚夫人云者不知言者也工乎詩者歌以繫之

繫一作繼

### 送何堅序

何與韓同姓為近

集注按何氏出周成王母弟唐叔虞後十一代孫食采於韓為列侯韓王

安為秦所滅子孫分散居江淮晉以韓為何遂為何氏○與一作於

堅以進士舉於吾為

同業其在太學也吾為博士

孫曰公時為四門博士

堅為生生與

博士為同道其識堅也十年為故人同姓而近也同業

也同道也故人也於其志不得願而歸

一無志字

其可以無

言邪堅道州人道之守陽公賢也

孫曰貞元十九年九月以國子司業陽城

為道州刺史  
○一無賢字

道於湖南為屬州

孫曰湖南觀察使所管潭衡柳連道永邵等州

治潭州

湖南楊公又賢也

孫曰貞元十八年九月以太常少卿楊憑為湖南觀察使○一

無湖南又三字

堅為民堅又賢也湖南得道為屬道得堅為民

堅歸唱其州之父老子弟服陽公之令道亦唱其縣與

其比州

比一作此

服楊公之令

楊一作陽

吾聞鳥有鳳者常出於

有道之國當漢時黃霸為潁川守是鳥也

一無也字一作是鳳鳥也

實集而鳴焉若史可信堅歸吾將賀其見鳳而聞其鳴

也

一有已字

### 送廖道士序

韓曰公永貞元年自陽山徙掾江陵道衡山而作○廖力救切

五岳於中州衡山

嚴曰衡南岳也桂嶺在衡之南

最遠南方之山巍然

高而大者以百數獨衡為宗

一作衡山為宗

最遠而獨為宗其

神必靈衡之南八九百里地益高山益峻水清而益駛

韓曰駛馬疾行也疎利切

其最高而橫絕南北者嶺

孫曰嶺謂五嶺

郴為州



在嶺之上側南其高下得三之二焉中州清淑之氣於

是焉窮氣之窮盛而不過

威一作威

必蛇蟺扶輿

祝曰選蛇龍騰驤以

蛇蟺韓曰蛇蛭也蟺蛭也嚴曰馬融笛賦經窺蛇蟺王褒九懷云登羊車兮扶輿相如子虛賦云扶輿猗靡

○蛇於元切又音宛

磅礪鬱積

莊子將磅礪萬物以為一注磅礪猶混同也釋

丈旁字又作磅沈佺期西岳詩磅礪壓洪源孫曰蛇蟺扶輿磅礪鬱積皆氣積之兒○磅音旁礪音薄磅下一

有而衡山之神既靈而郴之為州又當中州清淑之氣

蛇蟺扶輿磅礪而鬱積其水土之所生神氣之所感白

金水銀丹砂石英鍾乳

嚴曰白金銀也丹砂朱砂也石英本草有紫白二種又有四色

者鍾乳生石洞通中  
光瑩如鵝翎管者佳

**橘柚之包**

孫曰書厥包橘柚包裹也

**竹箭之美**

**千尋之名材不能獨當奇也意必有魁奇忠信才德之**

**民生其間**

樊曰柳子厚送廖有方序云交州多南金珠璣瑤瑁象犀其產皆奇怪至於草木亦殊異

吾嘗怪陽德之炳耀獨發於紛葩瓊麗而罕鍾乎人今廖生剛健重厚孝弟忠信以質乎中而文乎外固鍾於陽德者邪子厚之序與公此作其意一同任子淵曰陳無已贈二蘇公詩云岷峩之山中巴江桂椒桺櫨楓柞樟青金黃玉丹砂良獸皮鳥羽不足當異人間出駭四方無已之詩蓋取此意也

**而吾又未見**

**也其無乃迷惑沒溺於佛老之學**

學一作教

**而不出邪廖師**

**郴民而學於衡山氣專而容寂**

孫曰莊子云其容寂

**多藝而善遊**

豈吾所謂魁奇而迷溺者邪

一作迷惑沒溺者邪

廖師善知人若

不在其身必在其所與遊訪之而不吾告何也於其別

申以問之

送王舍秀才序

樊曰舍元和

八年進士

吾少時讀醉鄉記

樊曰王績字元功隋末大儒通之弟也著醉鄉記以次劉伶酒德頌舍其

子孫

私怪隱居者無所累於世而猶有是言豈誠旨於

味邪及讀阮籍陶潛詩

孫曰籍有詠懷詩八十餘首

然後乃知彼雖

偃蹇不欲與世接然猶未能平其心或為事物是非相

感發於是有託而逃焉者也

一無發字

若顏氏之操瓢與簞

之下一有子字

簞下一有食字

曾參歌聲若出金石

孫曰莊子云曾子曳絙而歌商頌聲

滿天地若出金石

彼得聖人而師之汲汲每若不可及其於外

也固不暇尚何麴蘖之託而昏冥之逃邪

孫曰麴蘖之託昏冥之逃

謂醉鄉也何下一有事字

吾又以為悲醉鄉之徒不遇也

孫曰不遇謂不得聖

人而建中初天子嗣位

樊曰大歷十四年德宗即位十五年正月改元建中

有意

貞觀開元之丕績

嚴曰貞觀太宗時開元明皇時河南同官記云建中初天子始紀年更元

命官司舉貞觀開元之烈羣臣  
惕栗奉職命才登良不敢私違

在朝廷之臣一無朝字爭言

事當此時醉鄉之後世又以直廢吾既悲醉鄉之文詞

而又嘉良臣之烈思識其子孫今子之來見我也無所

挾吾猶將張之況文與行不失其世守渾然端且厚

胡渾

本切惜乎吾力不能振之而其言不見信於世也於其行

一作是行姑與之飲酒

### 送孟瑄秀才序

孫曰元和五年刑部侍郎崔樞知舉試洪鐘  
待撞賦孟瑄中第唐書藝文志有瑄嶺南異

物志一卷其嶺南人歟。○瑄古滿切嚴曰  
孟瑄元和五年進士嘗著嶺南異物志

今年秋

嚴曰即永貞元年也時退之在陽山遇  
赦已離貶所俟命於郴與瑄相見也

見孟氏

子瑄於郴

樊曰永貞元年公自陽山  
令移江陵法曹過郴州

年甚少禮甚度

度

修

手其文一編甚鉅

手其文注見下  
篇送陳秀才序

退披其編以讀之

盡其書無有不能吾固心存而目識之矣

一作

其十月

吾道於衡潭以之荆累累見孟氏子焉其所與偕盡善

人長者余益以奇之今將去是而隨舉於京師雖有不

請猶將強而授之

強其亮  
切下同

以就其志況其請之煩邪京

師之進士以千數其人靡所不有吾常折肱焉

孫曰定公十三

年左氏齊高強曰三折肱為良醫

其要在詳擇而固交之善雖不吾與

吾將強而附不善雖不吾惡吾將強而拒苟如是其於

高爵猶階而升堂

階梯也

又況其細者邪

### 送陳彤秀才書

韓曰公貞元十九年冬自御史出為陽山令過潭州見陳彤於楊湖南門下永貞元年徙

緣江陵送彤舉進士彤

後以元和十三年登第

讀書以為學繼言以為文

韓曰說文繼繼也繼也祖管切

非誇多而闢靡

也

靡麗也

蓋學所以為道

為于偽切  
下為理同

文所以為理耳苟行

事得其宜出言適其要雖不吾面吾將信其富於文學

也穎川陳彤始吾見於楊湖南門下

源曰楊湖南為潭  
州刺史湖南觀察

使楊憑吾

頎然其長

孫曰詩頎而長兮頎  
長兒○頎渠希切

薰然其和吾

一作余

目其貌耳其言

補注筆墨間錄曰公送孟氏子序云手  
其文一編甚鉅送陳秀才序云吾目其

貌耳其言或疑其語予曰古文如此類者稍多手劒以  
進出穀梁相如曰腳麟子雲曰腦沙幕髓吾盖用此以

增其  
壯耳

因以得其為人及其久也果若不可及夫湖南之

於人不輕以事接爭名者之於藝不可以虛屈吾見湖



南之禮有加而同進之士交譽也又以信吾信之不失

也如是而又問焉以質其學策焉以考其文

孫曰時公為考官

則何不信之有故吾不徵於陳

吾一作余

而陳亦不出於我

此豈非古人所謂可為智者道難與俗人言者類邪

孫曰

此二句司馬遷與任安書

凡吾從事於斯也久

孫曰斯謂湖南公時為陽山令屬湖南管

內○吾一作余

未見舉進士有如陳生而不如志者於其行姑

以是贈之

送王埴秀才序

埴許元切

吾常以為孔子之道

一無為字

大而不能博門弟子不能徧觀

而盡識也故學焉而皆得其性之所近其後離散分處

諸侯之國

孫曰宰我仕齊子貢冉有子游仕魯季路仕衛子夏仕魏其餘亦咸仕於諸國

又各

以其所能授弟子原遠而末益分

補注原謂源流

蓋子夏之學

其後有田子方

樊曰子方名無擇魏文侯時人莊子所謂田子方侍坐於魏文侯者也魏世家

李克謂翟璜曰魏成子東得卜子夏田子方段干木三人者君皆師之則子方與子夏同時

子方之

後流而為莊周

嚴曰陳師道云孟子之學出於子思子思出於曾子莊子之學出於田子方子

方出於子貢荀子之學出於子弓子弓者仲弓也又曰子弓學於田子方子方學於端木生子貢退之則曰子

欽定四庫全書

五百家注呂集文集

卷二十

十六

夏之學其後有田子方子方之後  
流而為莊周二說不同未詳孰是

故周之書喜稱子方

之為人

莊子有田子方一篇

荀卿之書語聖人必曰孔子子弓

孫曰

荀子非十二子篇云無置錐之地而王公不能與之爭  
名在一大夫之位則一君不能獨畜一國不能獨容是  
聖人之不得勢者也仲尼子弓是也儒效篇云非  
大儒莫之能立仲尼子弓是也其餘類多如此

子弓

之事業不傳惟太史公書弟子傳有姓名字曰馯臂子

弓

樊曰史記孔子列傳云商瞿魯人孔子傳易於瞿瞿

傳楚人馯臂子洪洪傳江東人矯子庸疵而公此序  
云馯臂子弓受易於商瞿從西漢儒林傳字也劉曰漢  
書云商瞿子木受易孔子以授魯橋庇子庸子庸授江  
東馯臂子弓○馯音寒臂即臂字洪胡

肱切一本作有姓名耳曰馯臂子弓

子弓受易於商

瞿

嚴曰瞿字子木魯人受易於孔子一有蓋字

孟軻師子思子思之學蓋出

曾子自孔子沒羣弟子莫不有書獨孟軻氏之傳得其

宗

祝曰宗宗本

故余少而樂觀焉太原王埶示予所為文好

舉孟子之所道者

祝曰道趨也

與之言信悅孟子而屢贊其

文詞夫沿河而下苟不止雖有遲疾必至於海如不得

其道也雖疾不止終莫幸而至焉

幸一作得

故學者必慎其

所道道於楊墨老莊佛之學而欲之聖人之道

祝曰欲之謂欲

也猶航斷港絕潢

孫曰航行舟港水之別派潢積水池○港苦項切潢音黃

以望至

於海也故求觀聖人之道者

一無者字

必自孟子始今墳之

所由既幾於知道如又得其船與楫

一作人

知沿而不知

止嗚呼其可量哉

### 荆潭裴均楊憑唱和詩序

樊曰均字思齊貞元十九年五月為荆南節度使憑十八年九月為湖南觀察使荆即荆南潭即湖南也公以永貞元年佐均為江陵法曹詳見外集河南同官記一本作裴均非也唐藝文志有裴均荆潭唱和集一卷則知決非均矣

從事

孫曰從事謂府從事

有示愈以荆潭酬唱詩者愈既受以卒

集

孫曰卒集謂觀至終篇也一無集字

因仰而言曰夫和平之音淡薄

之音

一作者

而愁思之聲要妙

孫曰漢書中山靖王勝曰臣心結日久每聞幼眇之聲不

知涕泣之橫集也汪云幼一笑切眇音妙猶微也思息利切

謹愉之辭難工而窮苦

之言易好也是故文章之作恒發於羈旅草野

樊曰歐陽文忠

序宛陵詩集云世謂詩人少達而多窮夫豈然哉凡士之蘊其所有而不得施於世者多喜自放於山巔水涯外見蟲魚草木風雲鳥獸之狀類往往探其奇怪內有憂思憾憤之鬱積其興於怨刺以道羈臣寡婦之所嘆而寫人情之難言蓋愈窮則愈工然則非詩之窮人殆窮者而後工文忠此論蓋亦公之意云

至若王

公貴人氣得志滿非性能而好之則不暇以為今公

一作

今僕射

裴公 開鎮蠻荆

源曰公謂裴均也詩秦兩蠻荆蠻荆即謂荆南

統郡惟九

荆南

管夔忠萬澧朗涪峽江陵九郡也

常侍楊公領湖南之壤地二千里

源曰

孟子今滕壤地褊小壤地土地也○二或作三

德刑之政並勤爵祿之報兩崇

乃能存志乎詩書寓辭乎詠歌往復循環有唱斯和搜

奇挾恠

韓曰說文挾排也一決切

雕鏤文字與韋布里間樵悴專一

之士較其毫釐分寸鏗鏘發金石幽眇感鬼神信所謂

材全而能鉅者也兩府之從事與部屬之吏

屬音蜀

屬而

和之

屬之欲切

苟在編者

在一作有

咸可觀也宜乎施之樂章

孫曰

樂章謂樂府  
所歌之章

紀諸冊書

孫曰冊書  
謂史冊也

從事曰子之言是也

告於公

公謂  
裴均

書以為荆潭唱和詩序

### 送幽州李端公序

韓曰端公名益宰相揆之族子大歷四年登  
第貞元中幽州盧龍節度使劉濟辟為府從  
事公因益來東都序以送之勉其歸使  
為濟言帥先來覲奉職如開元時也

元年春

祝曰元和元年  
舊本無春字

今相國李公為吏部員外郎

孫曰

李藩字叔翰元年為吏部員外郎四年自給事中拜相  
六年罷樊曰藩傳第云累擢吏部郎中豈元年為外郎  
其後遷  
郎中也  
愈嘗與偕朝樊曰元年六月公始自江陵召為  
國子博士而此序首言元年春春



字必義  
文也

道語幽州司徒公之賢

孫曰貞元二十一年三月濟檢校司徒

曰

某前年被詔告禮幽州

源曰二十一年正月德宗崩以藩為告哀使故至幽州樊曰考

之史溫造嘗使濟矣  
李藩使濟獨見于此

入其地迂勞之使累至

累疊也一作里

每

進益恭

孫曰藩行既進濟禮益恭

及郊司徒公紅帕首鞞袴握刀

祝曰

鞞鞋釋文云本胡服趙武靈王所服鞞曰說文鞞

鞞屬○鞞許加切帕莫轄切帕一作抹鞞或作靴

左右

雜佩

孫曰雜佩謂左右皆有佩非一物也

弓鞞服

祝曰鞞弓衣詩言鞞其弓孫曰服所以盛弓鞞

藏也○鞞丑亮切

一作鞞一作張

矢插房

孫曰房所以盛矢

俯立迎道左某禮

辭曰公天子之宰禮不可如是及府又以其服即事某

又曰公三公不可以將服承命

孫曰將服謂將士之服

及館又如

是

一作之

卒不得辭上堂即客

一無即字一無即客二字

階坐必東嚮

一作向

愈曰國家失太平於今六十年夫十日

孫曰十日甲乙丙丁

戊巳庚辛壬癸是也

十二子相配

孫曰十二子謂子丑寅卯辰巳午未申酉戌亥是也

數窮

六十其將復乎必自幽州始亂之所出也

樊曰按天寶十四年范陽

節度使安祿山反范陽幽州也其年歲在乙未至元和九年甲午數窮六十一甲子終矣公此序元和四年二月以後為之故云其後濟裨將譚忠亦說濟子總曰天地之數合必離離必合河北與天下離六十年數窮必合今兵駭駭北來趙人已獻德隸十二城助魏破濟淮燕無一日勞後世子孫得無事乎為君憂之總上疏因

願奉朝請以盧龍軍八州歸于有司忠說總在元和十四年其所云數窮必合者豈用公語邪何其相似也

今天子大聖司徒公勤於禮庶幾帥先河南北之將所帥

律切南下一來覲奉職如開元時乎李公曰然今李公本又有河字

既朝夕左右孫曰李公即藩也必數數為上言數色元角切

年之言殆合矣端公歲時來壽其親東都孫曰益父時

無東都東都之士大夫孫曰公時莫不拜於門其為人亦官洛陽

佐甚忠孫曰佐謂為意欲司徒公功名流乎千萬歲請幽州從事

以愈言為使歸之獻



五百家注昌黎文集卷二十